



國家圖書館, NATIONAL CENTRAL LIBRARY, TAIWAN, R.O.C.







國立中央圖書館, NATIONAL CENTRAL LIBRARY, TAIWAN, R.O.C.



346519a, v.1



國家圖書館, NATIONAL CENTRAL LIBRARY, TAIWAN, R.O.C.



今

卷之一

敘

沈季彪新稅敘


刪選房稿敘

題吳長興環應草

王昭文論草

奉賀三紫黃老先生榮膺

封綸敘



國立中央圖書館, NATIONAL CENTRAL LIBRARY, TAIWAN, R.O.C.



龍閣草

祁進士易稿

陳汝礪詩敘

戴會魁稿敘

麻伯顧游燕草敘

關中轉餉詩敘

曾先生寓抽稿敘

敘

書王季太制義

梅公衍飛霞館義

書追思錄後

冠朝郭氏續譜序

卷之二

敘

壽南母武太淑人敘

大宗伯穀山于先生六十壽敘

七

言八上



陽太公壽翁

虞母任夫人敘

贈劉南海敘

陳鳴周制義

丁未書一房同門稿

書詹問石將隱述

山房斧彙敘

兩孫

迦河疏義敘

志敘

記

烟駕園記

後潭陳氏祠堂記

卷之三

誌

封文林郎高公合葬墓誌銘

余母兩宜人墓誌銘

李勇人曾母墓誌銘



戚贈公合葬墓誌銘

崔贈公合葬墓誌銘

徐先生誌銘

廣東按察司副使浴宇曾公暨元配鄭恭

人墓誌銘

贈奉政大夫東野張公暨贈宜人沈氏墓

誌銘

卷之四

先大父大母合葬墓誌銘

馬處士墓誌銘

喻贈公暨封太孺人高氏合葬墓誌銘

梁孺人墓誌銘


候補吏科給事中瀛嶼吳公墓誌銘

表狀

四川按察司副使進階亞中大夫資治少

尹任齋趙公墓表

贈中憲大夫曾公字已木恭人墓表



卷之五

譚先生墓表

行狀

海豐知縣補祁州判官四明葉公行狀

吳母姚太孺人行狀

龔母趙太孺人行狀

傳

鄭齋公傳

南母裴太恭人傳

風箏和朱元介

自鉏園八詠

百花居

超遠樓


觴詠齋

宜暑亭

獨笑軒

澹逸處

片雲石



劉百世招飲園亭尚董太初沈太玄二丈

分得人字

顧贈公

贈林承甫太學次元介韻

送夏黃門使琉球

陽谷納 請告歸里

喜沈士範登科士範爲君典先生伯子

吳長輿登科

吳給諫母壽

杜太公傳

卷之六

詩

新正羅伯倫齋中分來字

玄象山館集杜

送南太僕罷歸

寄成爲倉

送曹能始

壽曾壽峯



送南子興

送黃太僕 冊封荆藩

讀柯母懿略

送柯公明出守沂州

龍廉孺改教

題畫

壽萬制府

允修齋中話舊

環小山隱圖爲胡伯玉題

過孫聞斯

羅贈君

呂母節壽

梅泉

爲楊醫士題卷和孫聞斯

送呂澄南醫士依韻

爲周永明壽母

許心陽南還

送潘象安致仕歸



明皇演樂圖

送俞曲江之任兼訊鄧吏部

甲辰首秋卽事書段明府瑞粟卷

別意

張象先歸壽母夫人八十

壽于宗伯

麻伯顧赴永昌衛幕

金秀才還吳

劉年白司訓州賦送

賦贈杜日章兼致劉恩徵觀察

題朱驗封壽母冊

爲劉百世題米仲詔畫

社集城南

拂衣圖

寄壽鄧山人

別鄧田仲

送鄭駱思守括州

米仲詔還縣



汪原博訪予輒還悵然賦別
寄酬劉恩徵恩徵見懷詩用子雪景蘇韻

仍韻次畬

新正病起

孫聞斯時過射所依韻

沈司馬被言十二詩語工而意恬予甚旨
之步韻作如數用廣其音非僅以相慰

藉也

萱圖爲朱元介壽母

謝友可之南

陳汝礪罷官歸聞

羅駕部母壽

乙巳上封公壽

俞母卷

丁年伯母老壽寄祝

乙巳一病十餘日不復省解人事倖而不
死然亦危矣病境次第自病中聊述之

贈李一菴書賈六



讀崇德錄爲沈贈公作

又代

送區海目

爲張宿甫年丈壽其從兄翰南先生

送人之滇南任

黍珠春永圖

雪溪圖

劉靜之歸觀

送鑄上人還竹居菴

憶射所

幼時重訪今步韻答贈

睡菴二刻目錄終

睡菴二刻



睡菴文稿二刻卷之一

宣城湯寶尹著

全谿門人李曙寰校梓

沈季彪新稅序

文者人之生氣也今文之有舉業猶唐之有詩上懸之爲制下羣而赴之數百年豪異所共攻之物鍾氣莫盛焉唐前後稱詩者代不乏矣窮工極變抉宇宙之殊靈宜無唐若今之爲詩若古文者亦旣琅琅要以竅無不開而才無不竭最工以變必舉業焉歸也私嘗謂一代之業必傳無疑何者氣



NATIONAL CENTRAL LIBRARY, TAIWAN, R.O.C.



有獨鍾矣夫惟氣有獨鍾而攻之者衆故其肥瘠
脩短濃淡疏數之狀譬之人貌不可以取同觀者
第從其神氣索焉而賢不肖貴賤壽夭之概於是
乎畀得而無遁襄陽之詩于唐獨步然其自爲山
人逸客讀者知之郊之寒島之瘦賀之鬼其不得
志久遠於時可必也而其盛而爲燕許諸公語雖
不必至氣格別矣且詩之途寬而難跡舉業之旨
約而易尋寬而難跡者耳目見聞動可採也人得
以其聰明力量滿意爲之約而可尋者我態時情

無所復用而壹受成于聖之諦王之制故詩久而
逾入老而逾工而舉業一道得者不待年辭其韶
令輒有沉頓枯削之憂故其氣尤爲難完然而唐
之善詩者不必遇卽遇也所傳省試之詩不必善
至於舉業收士盡善而不遇者蓋亦寡矣豈非彼
之滿意發籟于獨此之受成合諦于聖聖情相炤
彼我合融亦神氣之爲也耶十餘年來舉業之病
極矣平不平奇不奇之界莫知所適其于人爲貌
壯而神稿舉止陽喬氣奄息以盡也沈季彪之業



自腸胃肥滿中發之帖經附傳縱尺烟如而豐王之氣浮動楮墨然吾聞季彪聲良久齊其兄今武部伯含氏冠十餘小試不達而始應選來也人疑其久而沉削不知其倍完一日領解額震都人士亦足以明舉業之得士善焉者之必遇而養氣之說先也伯含詩格在唐大曆間一月前得其馬曹藁讀之更深以遠久而逾入者也季彪之子未弱冠亦以今秋魁浙榜所謂舉業一道得不待年者乎無然則沈氏之氣有所獨鍾也夫


刪選房稿敘

論文難也莫難論者舉業之文舉業之尤難論者莫近日若但談有及者吾辭之固焉問者曰文格中之有舉業童技耳何難之辭曰第他文者第其善不而已第舉業者宜第其逢不逢焉善矣宜其逢然而有不必要也逢矣宜其善然而有不必要也吾將論善乎吾將論逢乎問者曰逢與善與若是抵與曰彼我之所謂善者不可齊也不可既也曰既善矣其不齊何居曰羣心焉羣目焉師曠不能齊




不齊之耳狄牙不能齊不齊之口昔有辟愛其婦者其婦一目也已而遍行國中觀姝色遂絕無當者曰惜也多一目彼灼然眉面者而如是矣夫文有聲也非耳之所能按有味也非舌之所能調有色也非目之所能觀故曰論文難也寸晷尺幅之用其短其長不必其平生也斯吏之校閱其開明其昏曠不必其平生也故曰論學業之文難也吾見有善而不逢者矣始揣之善也其適逢也吾自詭以爲果也間不必逢焉人必詭曰母乃未善久

而蹟之并吾亦疑以爲未善矣吾見有不善而逢者矣始揣之不善也其適不逢也吾自詭以爲果也間有逢焉人必解曰彼有善者偶而蹟之并吾亦疑以爲善矣吾一已之耳目不能自信而况于人于衆而胡乎敢強必之敢輕論之問者曰固也善不必逢逢不必善非一朝也何以莫甚近日曰子不觀射乎有常儀的數十步之內縱橫五尺之皮可得而程焉無常儀的及百步而中秋毫吾不知其巧也往者之蹟常陳矣信師說守故規有常




儀的也今學子之競異詔令之數新無常儀的也
彼曰禁奇此曰愛奇此曰厭平彼曰尚平將奚准
也有喉不以直吐有足不以直步平而不平奇而
不奇將奚適也問者曰今之文多態也世多才與
倚其盛與曰嘻聲日曼矣力枯瘠矣氣以薄矣奚
其盛奚其盛曰子之所謂盛善者可得聞與曰奇
也吾有取焉問者瞋而前曰子欺我也日觀子以
牘蹕子史躡老禪衆驚異之子曾不以駒亦嘗旣
子之牘矣庸庸耳無奇而子曰貴奇是子欺我也

曰吾之所謂奇非子之所謂奇也物不世見命曰
奇物事不數經號曰奇事有一無兩奇之至也私
嘗謂一目之立必有一義破止一破承只一承此
名爲奇若復可另架一局另鑄一意另匠一詞此
名爲偏不名爲奇曾言爲曾思言爲思孔言爲孔
孟言爲孟各不相借此名爲奇若復學義似庸論
義似孟此名爲通不名爲奇今有華人而僞言大
人而襲小兒百綴之衣富人也而拾隣之殘豆以
爲飽人必曰是有瘡疾矣今以代聖代賢之筆舌



取者之利 卷一
而僅爭佛老子史之殘有識者識之必曰是有廝疾矣子之所謂奇其有廝疾者也問者曰奇若是也平則奚若曰證聖者至奇也故至平無平也故無奇其次能言自胸之所欲言出之條達則亦平矣能言其所欲言則亦奇矣子之所謂平奇分言之也我之所謂平奇合言之也問者曰得子平奇之說知所以奇矣敢問探奇之術曰必也愚曰異哉智者不幾也乃愚之幾乎曰至愚必專專則極極則靈吾嘗試之矣自我少時觸而滿意縱而疾

書蓋亦易之矣尋復之十餘年而始覺其難也每拈一目焉舌若橋樞若矐形若槁木胸若鐵壁持目迷茫不記何冊俄而一線微冲駁雲穿隙須臾之頃割然開豁窮天窮地目前歷歷盡世所有都如可攝及函趨而赴之障焉忽失世之所有與胸中所了可攬入者復無一物返吾盛氣轉掉微息已乃伏首徐書一落吐出作無所作說無所說及義之成也檢而眡之儼如故紙不着一墨蓋方其少而易之也食頃可三四義後乃竟數日夜不就



一義後乃不就一語環牘數朝面目陷隕形容黧黑當此時不知舉業之爲舉業也人之我許我置不知也終我之身逢與不逢不知也此亦愚之至也然遂以是病忘逮其試日以不能畢思爲恨七目之中第取一目靜默念之率而操觚數行俱下若平所宿構然者此一愚之效也愚者如此智可知也然非至愚恐其以聰明從事而不必專極問者曰苦而不苦若何曰苦則甘矣不甘非苦之極也曰以若之功力試之人人可必效乎曰可曰何

可也曰心統于靈靈統于聖彼亦一極也此亦一極也作者立聖人于其前如或見之觀者立作者于其前如或見之神者相告也夫善不善則吾不敢知苟其逢也未有不以神相告吾見希詭一至之說有不達者矣未見統于聖者之有齟齬也問者曰竟子之論則亦齊矣曰不齊者神未極也神所以齊也聖所以齊其不齊也歷萬年周八方而永無隔者其惟神乎故善作者傳神善觀者相神有取甲辰房稿刪第之者吾友陳長卿氏也長卿




氏宿以善作鳴其于相文也有餘矣吾以嘗所問荅者歸之以質于文家

題吳長輿環應草

予心就長輿若和之於璧伯倫之於酒所避服若邾莒之於楚齊辛丑別長輿北來長輿方病不寐類怔忡者百醫藥罔効數書嘲之吾菴中亦自難伸腳耶且不睡者誰不睡耶長輿茫然有僧更進曰昔人學死比公學幾番死耶長輿迺大悟提藥盎於地揖醫扁戶無何就睡齣齣竟日夕矣其年

應秋試予舉似所知曰長輿數十年名家今必第已南錄至果也所知異予問券何祥曰必諸其文數十年名家又就服久今始必諸其文耶曰必諸其病方長輿力學有年無腎不剝有髓必竭於生法宜不得寐其燥觚殊苦必名言之是垂而時不必甘亦其固然病過身輕名心都盡筆忘手手忘舌我猶昔人非昔人也援琴一鼓遂爲天下妙成連氏海外之誘不虛耳蓋予嘗有言此道雖聰明絕頂歲月理頭到來俱使不着某只向黑甜三昧




略討此子此可對長輿道難共人言也無長輿數
十年苦功而遽言灰心是又痴人前說夢矣

王昭文論草

歐陽文忠公云吾昔官夷陵取架閣陳案反復觀
之見其枉直垂錯違法徇情滅親害義無所不有
夷陵荒遠尚如此天下可知也當時仰天誓心自
爾遇事不敢忽天后時有獻三足鳥者或言一足
僞后曰但史冊書妄用察其僞乎於戲胥人之手
文人之筆小人之腹俗人之耳雖有賢豪羣孤行

出入四者之間欲自完焉難已雖然聖而堯狂而
蹠黑之與白無俟論也今古一枰公案百則後死
者逐穴批根甲乙紛若萬人射覆必侷中一焉白
日無長盲雖有伏影焉者而亦寡矣余最愛白樂
天放言詩周公恐懼流言日王莽謙恭下士時向
使當年身便死一生真僞復誰知時時諷誦以爲
名言一日抹殺墳其尾云死則必不死知則必定
知不勞乃公擔念前年吾郡有丞清循多惠政竟
以王官去男婦委控無所不日宮其名像俎豆之



又二年芴邑有令去如公民難其去亦如公豈無
多金善徙者哉直道之於民也尚在何待後世余
策之審矣恒河劫內總此精靈轉相授記不幸之
君子幸免之小人幽冥來往必有不受一旦託靈
異世發舒其闕隱而各妥其陰魂學人寸子寸管
寸舌之用皆今古業因所自寄非偶然也丞有子
昭文氏博學能文章示余歷試論草一部所下上
千百年人物事行覈如爰書不特詞藻之蔚美而
已余讀而賞之隨以一簡致丞大夫海內萬世堪

共令子者萬一不絕當不愁吾黨文墨也


奉賀三紫黃老先生榮膺 封綸序

三紫先生者大行黃君之父也黃氏十世以來工
部檢討知縣編脩大司徒運長冠蓋相趾如譜牒
而先生顧獨以庠士老諸黃顯者代皆嫡冢人傳
以爲諺先生四舉婦而生子不謂必成進士而顧
成進士自先生以上成進士步驟爲尊官者每當
封若有物恡之不得也行人官非尊且久而會逢
單恩顧得以移封封先生如其官蓋余聞先生一




二事也伯兄不免於倭歲時伏臘輒鳴鳴兒啼而自發憤於當戶嫂之寡侄之孤胥賴以立豪有隱田而嫁其稅於同祖之弟弟孤羸無所控先生爲晝夜覈其實如將鳴之官者豪思請解卽爲和顏以解一日而田與稅正孤弟之累以脫凡先生所急人倫矜質行皆此類也自孝弟力田辟召選舉之制廢人士固有抱其獨行於深巖幽岷中而發響無繇者亦曰科目有以限之然而辟召選舉之制行之古度尚有僞者將行之今耶巷曲之內妻

孀婢僕皆有術以相取矣是盜筭也進士之科重代之秀異壹受攝於茹經吐傳之間而無所劾驚其適不逢也祿利之路絕已大半則亦澹然矣無辟召可謀無選舉可覲勉彊蒙冒一切之態于是乎盡滿而人士之眞品出焉如是而孝弟則眞孝弟也如是而力田則眞力田也辟召選舉孝弟力田紛相尚之時不必得其眞進士之科無與於舉行或病之乃使人無事爲贖而眞行以出且古者有任子而無封親今進士三年文無害循資以上



例無不得封行人華選也雖不及秩例得移封然則其子逢之亦何異於其身逢之其身逢之又何如其子逢之矣辟召選舉孝弟力田紛相尚之時有真士焉不必以錄進士之科僅一目也錄其子及其父甄拔秀異與而冥脩獨行者寵施焉本用之朝廊而華服豐綸相望於深巖幽岵之下其數乃倍於辟選當黃先生老於庠奇采不耀偉行不錄能無慨然哉使辟舉行則世之爭效先生者踵相接矣何以獨得先生之真也先生適不逢爾以茲所被服與子所代樹卽令從選舉之科躋爲世用亦竟何以加于此哉進士之科設而國得秀異之用服官勤事者得藉其爵祿以明尊養之報此易知也進士之科設而士無競于膺行而上有所藉以獎敦行之士收辟召選舉之所不必及此難知也蓋合於封誥之說而科目孤行之義始明故余樂爲黃先生道之夫使獨行不如黃先生則亦胡乎封焉爲矣


書白進士稿



白進士爾正者同門友白師清之子也始余遊接
師清進士甫卅時著郝後余來自田觀進士課軌
出人甚是時三四年別耳急從家人嘆異之久其
後每一課就無不以相觀所結撰無不刻微抉遠
若老宿儒之搢搢名理然者進士甫年少負才輒
解苦思精進其沈勇如此人世雖最小枝承螭畫
聖無獨至之思窮苦累歲月而能殊擅者前未之
有哉進士應兩試率就余請益余欲舒解其沈苦
第謂曰伸紙書之取秀便而止進士領之去總十
四義觀之豐緜活轉勝往時其刻抉處尚不及也
然遂以是聯舉竟進士之才與其思力所入寧有
已余所謂解舒云者劣矣哉雖然文猶技之小也
壯盛精力盡費耗於此何益而進士有餘焉以待
所精入行有所用之矣

任白雲龍閣草


京師爲輪蹄之會囂隘穢塞莫與比遍求其土之
空靚林樹蕭森可以受風月者射所一區而已會
稽陶師僦數椽其中我因之爲往還分其逸緒其



後竟室我而南我性深居而簡出工病且睡隨所
在榜曰睡菴遂以此爲偃仰麴息之處士客無所
從蹟省數月類櫛甚宜而敵戶一樊則任君白甫
氏之行館在任君噪有文價所刻雲龍閣諸稿營
構奇廣坐與之語林間聲振若奏金石此地此人
豈適相湊聚耶客盡任君若者病臥俱可起身世
蹟之不易得矧鑿坏避耶雲龍詩有過蕭以孛園
亭出示湯史手冊蕭先生者平生知我一人而任
君之好友也蕭先生逝矣牙生之絃忍復鼓響何
人辨一對任君引我涕出任君累詘公車權就奪
源諭以去獨使我得專一區大風起林標搜搜觸
人直以鼻雷相和夜鼓半月溜下簷偶一披衣起
舞恍然所謂伊人者也

祁進士易稿

六經之道顯白而易知無幽險者也而言易者幽
之曰以其明天道也夫天道之明也詩書禮春秋
皆有焉而易獨乎哉吾讀易則固於人事焉近矣
吉凶悔吝无咎之文黑白而數之憤者可剖狂者



可蹈有如是著曉者哉囊之括茅之藉豕之躑躅
祀之包瓜取其最微細冗襍之物切切焉詔告人
不休說天云乎哉說天云也亦曰乾爲天而已耳
元亨利貞當四氣之運而已耳曰易以道陰陽而
陰陽固形而下者之器也形而上之道聖人之言
之者蓋寡蓋至何晏王弼之徒好以老言易後之
攻二家者尾其說而皆託易以行至於今疏經者
治舉業者一切傳之以性命論幽僻險賊無所不
至其說皆入於佛老佛老皆託於易則易者固幽
僻險賊之驅而後人之崇與祁夷度之治易也卽
卦卽爻唯人事之求竟十菟觀之其旨明其詞達
性命之說不託以恩其中若夷度者其深于易者
與以人事言易于易較近以天道言易于易較遠
且性之與天孔氏不易言子貢之徒不易接聞而
今三尺學童耳而口之其舌本乃據孔氏上可怪
也因讀夷度文遂書以志感云

陳汝礪詩序


山水之與人交相益者也雖有名勝不經文人筆



舌則黠晦不揚然文人之奇於文山水之助居其
大凡焉潮之於韓柳之於柳僖耳之於蘇盡南方
之奇變以佐數公之吞吐而數公之文於是乎始
變化而不可窮杜氏詩余所尤愛者梓夔以後也
蜀山水富天下杜氏飽之迫而迸出千狀萬態各
極其致而詩之變化不可窮矣山水之與人其適
相值耶其地之靈光勃鬱欲洩而工於致人抑天
之有意斯人特處之勝地以相長益耶陳汝礪閩
人也家壺公山下爲南方勝處嘗遊金陵與余角
屐齒者累月然時尚喀喀譚制義耳不數稱詩尋
以守梓州別去後三年會於京師見其行稿一冊
輒警敏可喜牒簿之餘兼長諷頌異陳君之奇進
而蜀山水之能發人有如此也君宦遊益廣詩當
益進因念余澀拙之性百不一理使置之山水間
終日洗濯當亦有窾啓時而日恩塵垢其無緣於
文事也已

戴會魁稿序

舊聞畫者之言畫犬馬難鬼魅易犬馬在人目前



不類不可類之故難鬼魅無形無形者無從質據
故易今之文家取不可解詰語互相陵高雖甚奇
異畫鬼魅之類也依經帖傳取之目前而求其肖
雖甚淺近畫太馬之類也夫語何淺何深何近何
遠凡夫之口而證聖徑寸之筆墨而傳千百年之
精神模形賦象畢肖而止政復辨才蓋世幽想終
朝不易辨矣而世槩以淺近忽之略不省賞不可
解詰之語併其耳目頭足多寡橫豎之數而一以
意爲之此不亦最易可笑恥乎而世或爲其所欺
轉相高也以可相欺代不必賞而委其便易夫非
人情乎文之弊而不返何惑乎雖然世有志士必
不肯聖諦而逐鬼趣有明眼人必不白畫蒙魘吾
爲世道憂之久堅持其論爲士友懲曰庶幾瘳此
者一二有志之士遇乎益吾友戴君之文緣題發
思緣思遣格緣格伐詞遍讀之未見有不可解詰
者而春容和靜實深以遠竟以是魁兩闈矣觀君
之所以遇與上人之所以收君文之正體宜不戒
明焉而有如曰此誠難吾爲其便易而足相高者



夫文章神物功名尊器設誰何之語欺天下而竊得之則亦不祥人而已矣

麻伯顧游燕草序

風雅之趣幽而長安之境熱勢不能以相取故凡今之燕游者非走名則走利耳衣冠輪蹄之會較工責密於拱揖晉送間筆墨焉遲矣學人韵士奉文心以來日爲車後馬通所恩清景清事堪位舌端者無一焉搜今吊往求所謂劍歌筑擊之雄而風俗與化移易亦已久居長安而言詩非詩之地

也夫非其地而能有餘於稱詩斯其志趣夷遠必有以過人余固不善詩數年邸中益謝去會伯顧謁選久於此與余語未嘗及詩迨拜官永昌以出檢其笥獨韻言成帙也夫已氏左閨奉刺右闈擁籌伯顧獨以是相代吾知伯顧其非名利中人不以今之官地相也余嘗見其仲父十洲先生歷官有異操其弟孝廉子羽與余善馴謹如處子其門風固然或言伯顧稱詩發自其舅梅禹金氏都官之後宜無右禹金余不忘風雅之思且稟長安




就之矣

關中轉餉詩序

此夷陵劉元定轉餉關中作也元定詩板者十餘種茲其一耳然皆行歷而觀遊者爲多凡文以情爲母以境爲佐卒其所以得也非境非情不知其然而然蘇子遊廬山自云山谷奇秀平生所未見殆應接不暇遂發意不作詩僧俗共強之僅成數絕猶以不識面目爲恨情境交戰之地山川風月顛崖秀嫵可喜可涕之狀與吾人突兀之致相奪

而不能以相降卽以辨才之口門未免爲奇勝所阨塞逮其勝氣各伏寂來默往針鋒箭彀之間不復知情之附境界之附情工窮歲月而不必得者偶脫于口而不自知其至也池塘春草之句亦其西堂之趣忽焉而合必謂得之夢翁翻成窳矣秋風渭水落葉長安生平出入關下慷慨歷落之思不覺始盡耳前此後此堪覆一語乎故夫醞釀之久工力之極天機之動不可以意意而得者寧獨詩乎秦關風槩最矣往余使其地兩越月然疾




乖王事都宮寢陌之舊不暇問第一上太華觀希夷臥處然亦莫就一言而元定所至輒遊遊輒詩人才情相去如此耶元定生長卿門負蚤譽俛首官廕不樂也故倩舊相家所覩興衰熾伏情勢反覆之狀久其饒爲秦聲固宜今吾讀其詩雄關在望意烏烏若欲倚柱和者豈數年中亦自有感耶然吾於元定情不相代關境去之已遠曩莫就一言今欲吐者何耶昔有學睡法于希夷者一學便得其略尉聲雄美一人從戶外竊聽曰此中有樂

乃萃胥調雙門曲也於乎睡中之樂誰適爲奏誰辨聽之問之萃山道人當作情境解耳


曾先生寓拙稿序

聰明之爲道忌也昔人嘗言之至于酬世無不才智之推曰愚曰拙曰不肖皆世所指辱不足收採者也然而有道之士恒願托焉何哉凡天下之多過多敗必才知者之爲夫恃其才知必無鮮事焉者也凡天下之保無垢跌美終始必拙焉者之爲夫安其拙必無生事焉者也且世以才知者足世



用乎事之臨也利害杳襍靈機巧慧之人前有瞻
後有顧擇便而赴頓身有術而後投足焉若夫擔
事直前無趨無避則拙者事矣余質專愚不辨菽
麥天下之最拙大不肖無以右焉自先生來吾庠
於眾中賞之亟不我陋也時以文筆相課督余習
先生肺腑輸人不復知人間有機械事隨所居顏
曰寓拙蓋其性也然先生饒文采健才少而制義
壯而古文詞出而官蹟能使詞人捫舌幹吏束手
其果拙耶否耶自先生就官桂陽第丙戌迄今二

十年僅守一中郡推臬司數十不報而世之鑽隙
賣聲立躋者何限安知先生之不出於拙也要以
祿命之遲速則有數矣白心直已守其故步於世
遠者於道轉親彼工於調世者所得與先生孰多
巧與拙吾未知果安在也先生自序桂陽稿謂求
不負昌黎南軒二先生宗旨夫使昌黎諸君子與
今人鬪字不令人勝乎先生之文不知於古人甲
乙孰居與世之爭巧者別焉明也昔人有言曰事
外無道道外無事余亦曰文外無道道外無文聰



明而試於道不可也聰明而試於文於事可乎哉

韋編翼引

今舉業之家以書義行者病其太多以經義行者絕寡雖有精刻之士朝夕於書而力已枯矣強努之末不穿魯縞故能治經者十不一也書者聖賢問荅之常耳經為聖人所作宜有獨蘊焉審問慎思而不必得鹵莽為之而可冀效乎故以經名家者伯不一也諸經人事也易天道也天道可得聞乎象象卦爻意何意吾何語能下一解乎朱氏之

易非必義文周孔之易今舉業之易又非必朱氏之易也故以易名家者十伯不一也蓋余與羽明張君同治易宛水上羽明先鳴於鄉噪聲良久後余既倖去十年而羽明猶守一經日夜繙繹不休假今行所為韋編翼者於海內也蓋平日之苦心與其學識具見其以易名家無疑也其有功於治易者甚博而余特為治易者創一說曰以易治易莫易難以舉業治易莫易易問荅之常出入一語不可也人事不可變也夫易之絕傳久矣乘其




無傳也而吾自置吾或以爲天道或以爲人事或
言君或言臣或出或處隨所射而皆適於的矣途
寬而持論便也得是說也可無難於治易雖然余
爲舉業誘言之可耳若以易治易我與羽明終其
身於斯而已矣

望雲春草序

余有所善李君者永平人也而學於帝城李君
弱冠魁賢書聲有日矣今來帝城學者何曰吾
以謝室庭之米鹽黨巷之酒食就賢豪長者之覲

而日請政焉今俗甫脫藍衣聲氣漸滿志意多岐
忝有司鬻公事視爲故常非然也讀書一道自負
已效矣功力足矣目無前程心有退步率安意受
饗而止未有搢搢攻苦猶能如諸生者也以所觀
李君羈棲旅門獨身無偶忍風雪日觚槩從事卽
諸生中之名能攻苦者未有如李君者也李君與
今農部白進士爾正共壇爲文時時以觀余爾正
最茂韶如李君鄉舉之年不一歲輒聯去李君以
是益刻厲不少假閑棧一室中枯心獨往與古人



甲卷之利
游長安車騶呼闐戶外君不聞也舊所交賢豪長者若而人非文字不以謁謁也非文字不以出諸口以余所求潔行挺脩之士如李君者未有焉微獨幟文場也李君有父令略陽徘徊思之晨昏不能置文成而題其目曰望雲春草以君之靜頹於學身家之念忘矣而不忘者親昔人有言夏侯湛別見孝弟之性于李君亦云君名韞秀字惟侗以丁酉舉順天之名

書王季木制義

舉業一道極其至非沈思不得也然吾意夫思之沈者其資必拙其起家必于賤貧慧異之士手口便疾出之有餘於度而入之不必深取勝材情足以駕矣士之生長高門者飽其濃佚不耐辛艱誠有意乎奮飛之業而文章科第皆家物耳深心委苦宜亡所用之夫惟賤貧而拙者進無前門退無後地困頓之致窮於尺幅卽欲簡恬其思而有所不可蓋余旣拙絕家寒窶無聊當其事舉業之時每手一目魂氣聞寂舌數轉未敢輕吐也心謂拙



者之政如此耳以遇材士伸紙淋漓輒然發汗
乃今于季木而異之季木世貴勿復言其才可
以霸齊又年少鄉舉矣獨身啖苦伏臘一燈有寔
人所不甘所爲文春胸擢髓極思力之變吾不謂
慧異之士之出於斯也以季木之才試之舉業猶
用沈思天下事其可以聰明用哉相法篇云藏不
晦發不露材人無浮薄相富貴子弟無輕肥相其
福必大吾以舉業知季木以季木知天下士矣

梅公衍飛霞館義

吾非知文者也而好論文又好持人數寸之牘揣
斥得失妄始于倖而第誤如吾師蕭侯之知也踵
其說自試之以目間有中者夫吾非知文而間有
中者固可以必知者之萬不一失矣自是益堅其
說每處人得失之會輒亟之請觀我以文爲一切
祿命卜相語者直唾不顧曰不如文之足馮也前
爲唐君平書視舌草始小變而爲全至半至之論
全至者得文之全無不遇也半至者得文之半遇
不遇半也吾又寬吾途以佐吾信文之說而于是



乎益自謂萬不失矣君平北遊浹歲今年屆公車
梅公衍自宣來鄧田仲自江陵來三君皆文家名
手也且吾固孤細無師承其不與於知文宜爾梅
氏望於宣先後各文章不少共惟公衍之推使數
寸之牘足馮公衍先登寧今日待哉公衍故與田
仲好談命數集吾邸考步駁詰若星家吾數以吾
說解折之若兩人者寧命之間哉因相與射覆某
第某高第各抗其說迨榜出而吾所射某某寂無
有僅一公衍不甲而乙也異哉文而不遇則已無

文矣奇能使人危得之又奇能使人失之非命之
爲將誰爲乎而文之云馮乎十餘年自信之說竟
爲公衍田仲所奪自是不敢整警誓復論文會公衍
就諭婁江疆其笥藁什一板之曰吾非知文者也
彼中有人願以相質文事非究竟不足馮公衍終
遇矣是日也田仲從選人爲理官客舉以嘲此猶
用文乎吾仰而嘆頃之撫案起叫曰吾所揣斥人
得失非區區一第云也文行如三君卽一第何多

馬



書追思錄後

右追思錄錄先後諸君子所傳咏熊長樂事熊公之於長樂職尉耳清盜扞寇闢蕩興堤生賴不細矣卒尸像祠之至今勤物者位豈必在大能自爲不朽豈膺勢之階哉余所尤奇嘆者倭且薄開城盡納諸犇以千萬人活者也我鄉有阮函峯先生督浙江學倭薄杭呼弟子紙甲守陴而獨挺劔臨城門放男婦三道陣入倭去各復故壤故至今杭城外民獨饒往余經湖上瞻徇阮公祠父老有道

之尚泣者閩人之泣而思公情當不異余獨不得一拜公祠耳且尉之去督學勢地遠甚爲公所爲者更難也公有子益中氏舉鄉試第一同余成乙未進士阮公一子一孫以戍戍同出余門天道於兩公何償之白哉於乎一尉足活人無算而世之居高位者不能策人生尤有假以旤人者何如也

冠朝郭氏續譜序

黔中丞郭先生旣平播 天子論功大賚晉中丞
爵司馬封三代世襲錦衣會賓尹當 制視草藁



與聞司馬勞烈與 朝廷寵獎元臣之意越明年
冠朝續譜成走使屬賓尹曰章無似無以辱 帝
制吾子惠顧郭氏姓名斯在矣郭氏之爲譜也封
太公實圖之力銓十餘議詔司馬司馬蹠而受簡
干戈之際選隲徵暇若且莫先烈之不耀爲懼負
者所爲條叙甚備世次甚晰文甚都雅賓尹反覆
卒業有感于名世之興與其所以傳也冠朝之郭
徙自副使得名于太常集賢其始祖斷自同州由
尚州而後五傳爲五州刺史六傳爲汾陽王由副

使而後十八傳爲封太公十九傳爲司馬

元之季安史時江外濁亂微汾陽唐不祚

矣播酋之所螫擬無先黔而黔所患苦微獨播始

事終事一日無司馬者黔之爲黔不可知也汾陽


所用部曲襍蕃漢皆爲盡死力與今司馬之用水

西周心苦慮亦略相當南山收卒涇陽見虜卒以

至誠惻怛心行之無忍一矢輕相加芒施羅藹之

酋寄命司馬司馬一與之爲赤子長養以休恬不

爲羣噪所撓生人之命元化之脈前後所培釀于



二公者實闕以遠大唐天子萬歲回紇可汗亦萬
歲兩國將相亦萬歲執酒酌地飲泣歸誠歷代帝
王所不克臣之鄉郡則郡縣則縣命之旅則旅約
賦則賦曾無幾微齟齬於言面斯亦天地間一大
譜已且夫汾陽之後九百年而有司馬此九百年
之內井邑屢移國姓亦八九更矣冠蓋連翩青紫
相映門戶之崇宜未有踰焉者昭穆不紊祧祊謹
廩母非不有貴人筆墨之相托以無窮哉汾陽
景節之議親征之政自成一典不以文業為世

家之作 司馬司馬文章

足當遷之 左書 士大夫之議也無 矣 夫微命


曰肉譜今母論譜矣代君代相下上數千年雖各
成本紀列傳不如托之遷固者之流行人間為廣
博也功名之士喜開事端忍人肝腦而不為社稷
子孫長久之思文章之士搖筆札排纘故實而無
當於行遠吾於郭氏譜重有感焉若夫衣冠文物
之盛生卒居坐之別家訓之嚴譜自有之無所事
余言矣






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.





國立中央圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C



246595 v.2



國家圖書館, NATIONAL CENTRAL LIBRARY, TAIWAN, R.O.C.





睡菴文稿二刻卷之二

宣城湯賓尹著 金谿門人李昭製校梓

壽南母武大

武太淑人者太僕南卿之母也太僕貴 封太

安人已遇 册儲恩加 封太淑人予與南史同


官習太僕焉壬寅春 主上在攝降三詔頃之反

汗朝人方脩問安之儀訖無言者太僕䟽再入切

責宰相以下賴 上神聖優容之僅謫一級亡何


不言者借言者為郟論太僕為民太僕乃自馳一

國立中央圖書館 國家圖書館 國立中央圖書館 國家圖書館



驢以軟輿御母太淑人以西觀者道嘆予於是始知太僕有母初太僕草疏也其兄史與友僚皆不使聞獨聞之母太淑人獎成之曰吾固謂兒不得避言疏既入無不爲太僕危者太淑人安之無戚容旣歸呼太僕前吾五十年未亡人不得稱老兒歸如此者不負吾腹而矣蓋時太淑人年六十有九其倍贈公也曾二十四耳太僕方在娠太淑人哀甚絕歎今盡姑范泣自指其髮與太淑人曰吾老何需需此耳太淑人乃稍稍啜粥忍以

無捐越五月產太僕猶及以庚辰進士告終祖母養史爲子言之詳於始知太淑人後先之概節孝賢明非世間婦也噫爲人婦與爲人臣者道曷以異哉家國無事端坐無覺緘口無瘖閉目無盲男子優游焉行墨自尊女子挈水漿恭鏹量止矣一旦有急百年之祀千年之社關於一間如是而爲人臣曰當有任者可不可乎如是而爲人婦曰吾無外政可不可也凡人之身人得而自有之惟事人則身非其身矣夫身非其身者豈惟非吾所



得自顧則亦非吾所得自舍匹婦之諒一朝舉之亦足以烈孰與夫人宗人廟之爲大也沈人之宗而饑其鬼烈名萬年罪不贖矣託於不自舍之誼規利遜害後事聽之負義孰甚焉有舟放於海震風四起駭波刺天舟子憤而先泅一舟之人何所託命今又有舟於此大而堅自恃其無虞也怪風起空中衆相弄而嬉一人焉披髮而號過此則招與航不及操矣不知嬉者是乎號者是乎今之望太淑人者蓋快然在蓬壺之上前此則其憐舟之

時也左謹招右謹駝小心危杞庶幾須臾霧斂而風收山光明海日出十洲三島不足遊已一婦之志足以興人旣幸而爲男又人臣也披髮而號豈爲過乎忠事在家而立孤難於殉節忠事在國則抗疏優於問安慷慨從容兩志各得明茲可爲太淑人喜也今年五月太淑人七十太僕在田間踞而奏觴太淑人必曰吾今日始老兒亦收身幸合子婦盡爵其壻盧生問所以觴者於予予甚有感於太僕之去也故略其門第聲業之美而以是言




歸之

大宗伯穀山于先生六十壽序


東阿于公之以大宗伯歸也十有四年矣于公在魯如宋司馬公在洛見童叟卒皆知之朝士莫指屬公大人也宜爲時名相問歸田之久衆皇皇若恐其將老也今年始聞稱六十又王健如壯艾人輒衆嘆異且酌酒賀于公未老宜及此時相矣公爲翰林也十餘年嚮用且及而以不得意於江陵乃投病以去其爲大宗伯也疏請 建儲無移時

持 諸藩封事甚力曰此禮官職也不得其職何以官爲益于公身兩乞而望重天下世所推于公大人者是也賓尹則竊言大人之道吾胡乎知之夫非負天下之重不足以爲大人而自居其重不足以爲大人于公乞身爲天下重固耳然吾聞公歸不直言其所以退默以處若託於無能者客語朝事不荅田夫野販雜與之拱揖而忘其爲貴人人有小長稱獎之涎流于頰被接韋褐若不及于公之爲大人意在此耶往者江陵相之于天下



亦既舉有餘力矣操其太重自以爲勞烈而狂繆
出焉其後攻江陵者名旣白矣行旣尊矣橋然盛
氣便謂千古而傲倪搏擊之風倡兩者相反各自
負重而氣不能以相降至于今大臣畏避讒倉
不敢伸小臣好以口舌角事而不顧大體官府閣
部如水火而天下事滋以闡茸不理旣始于江陵
之操切而成于後君子之好言風節也天下之物
至堅必脆至精必愚至白必辱何者我操其勝以
示人遞起而乘之相乘而不已則交敗矣古之


君子如伊呂禹臯輩名非不白也行非不尊也勞
烈非不著也公然置其身儔衆之內而漠然自以
爲亡有故人無所庸其褊忌而數君子之功名遂
以得全而久長今之君子爾我異同短長之見未
能以輒融除貴富心者容有之除功名心者萬不
希一也出一言正抱一策奇未免有能者之氣與
色至其不能自忘也抱護鞏固惟恐損跌而憂讒
畏譏之心生焉有巨寶於此埋棄道傍富賈不睨
貧子亦以爲無用而無所動念一人焉三過三顧



襮拾而私之又日美視焉眩篋發鏞遂爲終身之
憂而不能一夕卽寢也于公身退而望重德義文
章經濟一舉一焉必以推公時所指屬甚亟幸
公之不自居耳負天下之重推而不有故人情之
附公也堅昔人之論將曰戰如守行如戰有功如
幸而其論相也惟無技然後能有容無技而曰斷
斷斷乎無有非備無也有容而曰休休休而又休
主於退也抱職陳功守方植節亦足以觀爲天子
思將相材非開誠集思之士不可天下之望久繫
于公公行相矣持是心以往其有淮於一个臣也
無慮於譏讒而可以不失天下之望夫處天下之
重地與持天下之重望其必有道哉


杜母周太孺人序

甚矣今人子之孝其親無已心也吾徵之于爲壽
爲壽則必削醕奏酒彩舞以將之則必聚親賓合
閭黨富者廣筵肆豆撻金鼓恣彌月之酣則必謁
能言之士盛詩歌文字又爲錦縫罽軸以張設之
而攻今之詩文者則必竭口奉諛毛舉其席豆之



履趾喀喀而載之若左右史之記言動然又爲之
疆飾其必不可至之功行交相推美又習撫夫必
無有之事物丹桃火棗王母安期之說之類明知
其虛怪而樂崇引之曰非是無以驩父母而懽爲
人子者之心夫爲人子者之心亦何已計舉及二
名惟恐人弗譽也譽惟恐弗極也物與事之必無
有者曰庶一遇之也夫果其無已之心爲出于親
也固孝子之事也然吾所疑于今古間有二古事
親之禮備矣微之至于紛觸擊玦紉箴燿潘而精

之至于無聲無形靡度弗具者獨不聞其以年觴
也古詩文之流傳亦不爲不辨且多若干旬而詩
若干旬而序卽唐宋集中未之前見何古之多闕
略耶禮以漸繁文以漸盛耶將事親之禮靡朝昏
寒燠時節之間不問年耶抑祝頌之詞貫涉諛誕
從前有之而不足流傳耶夫不傳則何賴藉焉而
甘此諛誕爲諾人一物已而負責也人必以爲諾
辱尊獻所親而諛焉誕焉子不可也被則爲人
子矣命能言之士無能以一語爲人父母傳爲人



子重而徒以口舌奉諛可乎不可也故孝子不廢
爲壽不廢謁詩文必擇人也有能言之士出焉必
擇言也吾久挾此意思得與士之知言而復古者
槃論之而杜子袁度者好古文詞者也間以其母
夫人七十壽謁予杜子有文聲連戰失利輒頰骨
就一官人勸少需之杜子曰我異日卽結駟萬鍾
何若今茲三釜哉出入中朝游從多碩臣人是以
知杜子有母杜子母又曉解大道勸其夫光祿與
杜子蚤致身自完母敬敬以功名爭者也知道者
不可悅以諛識文體者不可奸以聲風雅澁者實
從多賢冠履襍選文酒交錯杜子之于觴母也有
餘驩矣若云聖善則請操彤管以頌


陳太公壽序

陳太公者吾友陳長卿之父也長卿治涇上不手
一錢涇人歌傳之其在南駕部裁省船馬驛置之
費無萬事連中官中官魯伏耳帖不敢唇而吾聞
太公起家揭陽徙高縣稍不當輒拂歸臥林泉
讀書課子以老有問太公官治者笑不復荅然吾



知太公貧甚歸自二縣而無以爲家人生曾手一錢者耶稍不當輒拂歸夫非好行志意不能脫貴官眉者耶政有譜學有源於陳氏父子益信竊因是有概于居官居身之方也夫官欲其有譽也生欲其久視也功名之士與養生家兩不相爲矣而道未始不相成世之顯志同人與喜俱喜與怒俱怒周旋簿對厨傳之間終日稱過不暇者必其希圖巧宦者也其巧宦者百走當塗一縫已闕必其多得錢者也得錢而以賄倖一日居官一日畏人

知得錢而以墨敗身名貴賤之交不足贖矣此其於奉生之道不亦愈疏乎且太公惟是白意而行赤手而歸其子知之又能茂明其訓以無所絀慮博林邃壑之間可耕可讀可樵可漁何不樂也志廣意暢體安暇而神怡愉八十年如一日何不久長也若猶然父子之間志氣踟躕今日思博一官明日思博一錢往之仕不稱亨今之養不必腆滋悔且懟耳若猶是飽貲物囊如尋常仕官之爲也者有多金則必有肥田有肥田則必有廣宅有肥



田廣宅則必有亭臺花鳥絲竹歌舞之事終身役
役齒脫髮落目啟耳聾而不休其勞又有甚于伺
人喜怒者以是稱老可不可乎故夫太公之深臥
太公之無以生爲皆善養其生者也長卿貧于官
其弟貧于孝廉皆善奉其親以養其生者也此所
謂功名之士與養生家兩不相爲而道相成者也
或曰子所稱功名之士何曰錢猶膩也一入其中
骨俱柔焉功名之士喜以其勁身擔天下事至地
領職必期有白而止往予爲言長卿不愛錢亦不
愛官功名之士也當太公治縣時亦欲有所用之
耳志意不得展胡鬱鬱爲不如謝去亦功名之士
也夫必不爲貨使而後可以勁身擔天下事而後
可以養生世之爲攝養功名兩家言者其旨此道
哉長卿分校南闈所得多名士問所以壽太公夫
婦者而予次是語答之于太公非必有當亦吾黨
相勗之意也長卿今以浙學行予又以長卿所舉
所造視長卿所以奉其親者矣

虞母任夫人序



虞子元起與予交非久輒驩勝其平生元起成進士需選長安扃戶如處子不妄謁人諸交元起者一見躍然再見冷然擢肝析髓不知形之自忘矣而起與知交語時時嘆頌其母任夫人任夫人嫡也非生元起者也生元起者爲張夫人而任夫人宜之如兄弟然其母元起也不啻所生卽元起亦忘其所自生異哉母德乎以余所觀今之豪士大夫未有能母若者也世路之交功名祿利之途相傾以軋相擠以排所不能忘者忌心耳而莫今

爲甚予嘗有古詩一章云自古以至今容賢抑何難智非自愚割貴非由賤損彼我各頭足服食本不好何爲今古人嫉媚遞傾煎共爭在天地天地亦云寬而况于女子所爭牀第間寵辱眼光中相憎固其然於乎今人責婦女則惡其妬矣稱婦女則曰不妬矣一室之中方寸之地朝朝莫莫觸非一狀更非一境也割其所獨至而攘其所得顯卽欲無念惡乎無念卽欲無忌惡乎無忌然則妬在婦女亦固然耳至男子則不可講解矣貴富功名



非得顯之物也卽知謀材學亦非獨至之物也爲
生業乎田外有田宅外有宅爲宦路乎各服其服
各冠其冠忌才才不妨兩見忌功功不妨兩成譬
男子之世路於女子也政人盡夫也之說無大之
天光無大之地輿日昃日逐患我之軀幹不展氣
力不前不患彼之隘塞也忌嫉之念起從何所乎
究欲何爲乎而世雖清人介人智人才人猶未免
此然又以責婦女者何耶夫以清人介人智人才
人之所難而一婦女能之故曰今之豪士大夫未
有能母若者也母之溫惠宜其娣愛慈宜其子和
莫大焉祜莫長焉元起于銓次當二月矣以母夫
人誕在初秋故延一選以便歸觴其孝思可謂欸
至爲人母爲人子之道予于虞氏備見之推所以
爲虞母者可以宜民可以宜人元起之爲人子以
爲人父母有餘也夫子又爲安丘賀矣


贈劉南海序

以余觀天下士才人勇人正人清人皆易得惟有
識之人不易得也人之於事也見其著有識者之




于事也見其微人之於事也急者急之緩者緩之
赴功奏職以爲快而已有識者之於事人所曹急
或其所緩也其所曹緩或其所獨急也愬炤在耳
目之表而營謀量畫多出於思慮之所不及沛公
至咸陽諸將爭奪金帛財物之府何獨先入收秦
丞相御史律令圖書藏之李沆爲相日取四方水
旱盜賊奏聞王且以爲細事不足煩上聽沆曰人
主少年當使知四方艱難人所曹緩有識者所獨
急是也都護段會宗爲烏孫所圍驛騎上書乞發

燉煌兵以救百寮議數日不決獨陳湯奏對此必
無可憂也不五日嘗有聞朝歌賊屯聚連年州郡
不能禁及虞詡爲長但言寬假轡策勿令有所拘
問而已人所曹急有識者所緩是也於戲膠庠奠
菜文墨記載之類以今俗吏視之不亦最迂遠可
緩不切情事哉旦暮有告飄揚而燧警人情沸震
以語急事宜無有右焉者矣且夫兵戈亂賊微獨
書生之所不習抑亦世之所不常習也乘其所不
習而拂之以非常卒然妄動不知處所以亂益亂



必至之勢耳膠庠文墨之事其以視簿書厨傳殿最功譽之格利効不敵也前人之廢聽之前人後人之舉聽之後日傳舍以去安能猾猾工此得已之役爲其相與偷悞轉脫而不暇慮久遠也亦出於固然而不足怪吾聞劉公之爲南海也脩葺學宮查復舊地一時堂廡齊舍之制煥然巍然課學子給以月奉秀敏之士翔厲比于鄒魯邑未有誌公曰此粵之晉事百代之徵也惡缺諸搜羅聞見行與紳儒共纂成之海南故多舶寇出沒靡特百

姓環城而居前此偶聞警輒相戒豫毀廬屋以待公曰彼卽來民徙避之不過毀廬屋以去况必不來也已而賊果他出公於治道緩急之會議見周定如此公政績尤異吾友王生爲之丞以一牘寄頌如所稱禁火耗革需索蠲稅振荒善政不可選指大歸皆清人才人之事予獨多其識長而思遠非近士所可輩也昔荀粲語傅嘏夏侯玄曰子等在世塗間功名必勝我但識劣我我未必齊子所爲然以能使子等爲貴於戲士必有識也而後功




名之士皆爲所使安得如劉公者而盡使天下士
哉

陳鳴周制義

去余爲諸生十餘年見人談故業涎流於頰及回
思作之之時輒頭岑岑痛也余之於此道也苦矣
壬辰之歲坐九子空山中每索語不成月落之餘
但聞猿嘯憶在白門拈養心莫善於寡欲題廢兩
日餐寢不成勉下數行心目狂惑不辨所書朱墨
急提去拈論語其身正題彙矣一小束不自嫌者


一日夜數十餘易前在板中取自閱平平了無致
政復在人稿中未免抹殺不知當時結思何以又
憶童子時執筆如舞動語屈人十餘年後苦難如
此者何也當余酣思之時題內外無字可設但筆
下不下時覺微有合處及成人以譽我與我所思
所合又覺懸甚始嘆作者閱者竝難也年來細檢
故業約平平無可自贊者費當時心力特甚尋欲
以此意閱人人益謂我好乎厭奇孱質固然然人
所競之奇余旣未能解人所尚之乎抑亦未必盡




合心之不相代也如是今年春得陳子闡中竟讀
三場冷然飲醇已既其平日諸稿固然其人復然
對陳子文與其人不復知何物美好蓋陳子宿志
密脩舉澹泊寧靜之句顏其齋先所行稿曰質言
曰澹寧篇有以也計陳子生平心力宜不下余材
乃百倍余矣往余讀唐詩當其得意叫欲絕隨筆
數語誦之獨竟襄陽五言無可着一語心推襄陽
獨步也微雲澹河漢疎雨滴梧桐謂是人境文境
詩境苦心者當自得之

丁未書一房同門稿

今歲分事闡中喜逢顧升伯李長卿兩先生兩先
生人倫妙天下日夜就之得所未曾間出卷竝閱
因極論文長卿甚厭時語升伯甚矜古法余時佐
以寬政取今古半近者而世所趨肥皮厚肉襍積
字句以爲奇余不之好也頗與兩先生合升伯言
古法辨甚余所最肯者曰今人文絕不知有倒法
文之脈在動動在轉轉之妙全在用倒昔人所悟
升裏轉斗裏量地理家所謂橫來直受陽來陰受



皆轉法耳至倒法尤難明如行義一章聖賢語意無非睠睠行道若無意於道周流何爲若仕皆行義三家仕魯斯亦義矣但此時接引隱者權言行義此是意倒道之不行已知之矣明是行義以上語此是句倒古人文意深遠尙見側出卒無不用倒者今人尚不知順何言倒而又妄創新意好據俗語如功令所屬余謂題非諸生非主司所造也安得諸生主司妄自立意但經書中必無一字無意義者間取書目最易曉解者冥思之隱隱別有理會質之訓詁亦微在同不同可說不可說之間今人政患不索意耳一二俗惡語今人習如土音貫脫於口遂不暇擇余謂禁時語不如勸人多讀書胸中有古人書自可不用今語讀古人書會古人意併可不用古語也蓋余與升伯長卿兩先生言之如是間以射卷曰某某解用意某某讀書後果不大失旣自幸也南歸舟中取其舊牘竝檢次之而附以前言諸生於時語非必盡謝于古法非必盡合亦所謂今古半近者已耶智力卑柔或以



掩諸生長則余過也夫

書詹問石將隱述

出世用世之別吾疑之古之至人未有不能用者亦未有不樂用者天下惟聾者廢視聾者廢聽不聾不聵而曰吾無樂于視聽爲也有是事哉身在世中而強言出世夫世何可出也棲泉而匿石泉石亦世也朋麋而侶豕麋豕亦世也且吾舍其所爲君臣父子夫婦兄弟者而泉石之與居鹿豕之與游君父何仇禽鳥何親則亦不情之甚而已孔

孟之教未有不主用世者也其曰出世必依傳佛氏然吾聞佛以濟度衆生爲大事因緣甚至攝入龍鬼畜生諸腹普度一切入世之苦而致用之精未有踰佛氏者也如以無住不著爲出古之聖賢有天下而不與皆用世皆出世也嗚呼農圃醫卜之屬挾一焉皆思以自效儒者一體天地萬物而曰無志用世有是理哉才可大成志匪小就度聲勢有所約結展縮不自由朝驅莫走所博幾何不如捨去豪傑之士處此其亦有不得已者乎而狂



者語之以爲高陋者飾之以自固嗚呼豪傑之心其愈以不白焉已矣詹君少負奇英長酣問學于近服之久誦于一第勉爲祿養就官二遷而貳饒卽君不以饒爲薄腰帶鞞袴之勞非所以處君也或言君性與道會精心禪宗雖在風塵而有隱者之色予于使饒就見之良然將別酒于舟中檢所爲將隱述者納予袖讀之竟日夜令人欲棄百事其中一二點綴多牢騷不平之感亦足以明君本懷磊磊落落與世之稿腐自甘者別也委吏乘田可仕朝市可隱何必山林天下多事須君輩正急當不以甲乙格限也故予爲反其語而歸之

山房斧藻序


詹君問石有所善余無且隱人也而長於聲詩所居詒穀山房晉送往復多四方風雅之士問石官饒州日夕不忘歸曰吾有石耳山可隱里人余無且輩可友也予道饒數勸諫之子腹世略何忍蚤自匿爲序其將隱述一書極道此意尋予渡彭蠡上匡廬山幽奇越絕之致身世無抵行臥數日爲



風泉雲壑所戀不忍捨去亟以一函報問石曰風物美好子不忘歸隱者是也石耳山與詒穀山房何樣廬山可老行與子講三分之業矣人生席佳山水枕股書籍時得一二韻人來文復酒狎領江山真天地間極樂快事前爲問石諫者豪傑之士直欲其發憤所爲未許以彼易此也然予性拙絕所逢名勝獨能以兩腳跟強博旦夕之玩輒自詫曰吾園吾池吾亭吾榭若復選勝理椽卜期命爵懶拙未能爾而詒穀主人以其不試之藝部勒亭臺徵逐花鳥聚賞之以友朋永傳之以詩歌於此中直有深造敢介詹君聊一請業入山亦須作少料理當不如遊者之草草也

兩孫制義引


闡中得孫子喬而異之爲之評曰今人舉業從坊刻入從試錄策論入安得有佳子往往獨造其入處居然先輩無復嘉隆以後模子孟義尤最百年來惟歸太僕先生差解此也於戲時文者覆時之物耳髻之高下眉之廣纖媚者之笑嚮買者之貴



賤朝更夕易而不能以自主且人亦忝其便秀易與者耳迎世之心急而獨行之思寡獨亦舉業哉子嵩世有文獻與其弟寶碩各負異姿神俊超絕人爭譽賞之不知其湛思結志之有在也有持三代敦彛觀暴富田兒者富兒鼻之怪其無銅氣或謂之曰此希世物也問其直餘千金富兒意得急發贖金製如敦彝者無算而以詭人曰器物同也吾新色倍焉吾慮夫孫氏之物爲人所鼻而以贖金奪也是在賞鑒家詳之

迦河疏議序


十餘年來予于河上數往反矣其一經浦頭三閘石門齧東狂濤刺天巨纜長橦數百人戰水不上舟中之人無色予爲之詠曰千呼萬叫始經過猶向空中拜浪婆其二徐邳之間涸溜見底人牛俱膠予爲之詠曰數里朝朝見空船步步推蓋實錄也比歲一往一來其時皆春夏之交清艘千百啣尾而濟間有淺澀之處而亦易爲力矣予以一薄板舟容與其中若履平地若驅柔馬風濤嗥呌之



聲不震于耳甚快異之問之曰此新開泐河也急
起舞三酌歲漕百世之利在茲已已復偃坐追維
太息此涓涓者天實設以代黃猶噴有口者何慮
始難取石礪堅硬工力難施莫逾韓莊梅大夫實
嘗其難取歲脩十一勤之既于事而竣他工不足
就矣議仍紛者何也使黃不再決李少保不來仙
臺趙圈李吉之工不旋舉旋闕 廷中道中之論

當未可盡奪夫誰使有泐如今日始始之終終之
者耶甚矣任事之難而梅大夫之功多也予旣行

泐上數日心口自語泐之道逸矣利博矣闕宜兩
之深加半宜堤宜增閘宜沿途驛置廨舍凡此皆
泐事也適大夫方領漕寓書訊之宜頌言以收全
效而時有過予論者曰泐可也黃可廢不治與曰
黃何可廢也有泐乃可治黃也黃之來去豈旦夕
所能安置亟治亟用日且不給而支祁益驕怒以
扼余于吮有坐斃耳泐治則別有以待漕別有以
待漕乃可徐度機宜而久專工力黃不難理也徐
州四通五達英雄紛禿之地又以不可知之一縷



操國命往甚危之加治而漕不獨恃徐不獨重策無萬全于此矣往欵貢議始廷臣十九非是竟賴利之至今惜無能乘欵之暇力急邊備者泐行世世永賴矣乘泐之暇以急河防其不無望于當事予嘉梅大夫之勞烈因識其疏議終始而存之以告來者

駢志序


古今人物事變之會略約相同極君子之分量有同爲君子者焉堯之世有舜堯舜之後非遂無堯舜也極小人之分量有同爲小人者焉共工之世有驩兜共工驩兜之後非遂無共工驩兜也絕不可忍之事突然遭之以爲反常前人固有遭之者矣偶至之功行偶得意之言自負奇絕不可一世往復書史亦既有行之言之者矣於乎世之相禪如昨之于且有竹簡筆札所不及者耳焉有古之所有今之所無爲開闢以來不復之物乎創見雪與日而吠以終朝其惑滋甚善乎韓子之言讀書患不多義理患不明患足已不學旣學患不行也



昔有患應病者詣上客請治曰此病古方所無良
久思曰吾得之矣取本草讀之凡歷藥名發聲輒
應至某藥再三無聲因據藥療之其病立愈予嘗
謂有一病必有一藥佐使云者又所以療藥者也
以古之書御今之世某人酷似某人某事依稀某
事脈理相對應手卽除其不善用者泥古方以殺
人者耳駢志一書事詞多肖作者之意非以連類
耦數而已亦以明夫古今人物事變之會載籍中
數有之讀書旣多觸處可以相印對病爲藥在所
善用之也扁鵲傳曰人之所病病疾多而醫之所
病病道少於乎今天下之疾亦不云少矣醫之之
道吾當問之誰氏

煙駕園記

榆林杜日章者將家子也而攻詩書善文文成譽
價走海內海內士無不願交日章驩者而日章亦
喜贊其文定名士交於是操觚之家人人知杜日
章矣予則謂日章世所貴壯士笞兵撻夷聲威震
異域足快耳幽一室而守腐毫何爲哉日章有所



治亭圃在郭之西偏面山趾水高柳環之貯奇花
怪石其中顏曰煙駕夫徵逐花鳥嘲問風月此隱
人逸客無所事事者之爲日章以彼姝才又世將
種震世之功勛不足樹也而乃戢其健氣頰晉林
泉以搏彪穿石之手而供課花刺草之役豈非逢
世太平英雄有餘於力而然耶榆林在諸鎮中最
爲雄緊套虜出沒無常黑山水草未一日忘牧馬
也賴天子威靈歲効款市圍塞晏然懷材抱異

之士乘其暇日優游而割文人之席爭隱士之驪
非然者卒有緩急登壇坐甲之不暇欲以游思竹
素而托興園林尚可得哉然予聞古人之使材罔
於屨屐勝敵決於圍棋雖以游息之區部勒臺榭
草木材者爲之亦自有奇變予未及游接日章涉
煙駕園而傳想其勝也知日章者安知不以此園
爲屨爲奕預策凌煙之業乎日章之交予也以劉
恩徵因以詩筒相往復兼請園記爲作是語貽之
日章武人也而善屬文恩徵文人也而宿閑邊略
今以兵使者備榆中以斯知我明多文武材矣



後潭陳氏祠堂記

予小時則知有後潭先生大志三巖先生大功兩陳主師席里中士子多從之游家封史數引予謁見之後予旣仕去五六年大功始應貢來京師尋卒于館所重爲紳士所憐喟又四年有大志之訊至者曰我陳有祠願予碑之而予時方典誥襍筆墨謝絕不理歲丁未使歸護宅祖父母于後潭之西冲其地則陳之自出中所煩穿鍾封築之役鳩工費力無後者愚父子世拜陳氏矣自予與

陳氏接其長者語言質篤衣轡簡儉類古人幼者馴謹不敢以言面傲忤其尊長又多秀便有文封史曰我所見地方人情忠厚之至未有陳氏若者也賓尹曰陳氏必大其在茲時據譜陳蓋自唐貞觀初有學瑜者徙自長興至我永樂甲午有祥者登鄉書仕民部郎以終景泰中有旺者輸粟五百石應詔助邊天子嘉之賜七品冠帶旌其廬數傳而爲延齡以掾史幕浙太平清白有譽已轉官滇南念親老遂棄歸所爲普衆建祠者其人也夫




根深者葉必茂源遠者流必麗以陳之族自唐迄
今曾未有特顯者獨其敦忠履信之風蓄之逾厚
藏之逾密及此時也德善不改詩禮秀出振發豈
有量哉觀古今家國之會有孤綿累世而賀其將
興有烜赫一朝而憂其不祀者種因植宿之間君
子所不宜忽意也子湯亦世窶高曾而還代有隱
德以集于我祖終其身惟長厚之安今其魂魄亦
樂近善鄉其食于茲土與陳之食于茲祠世世宜
相望惟子小子襲先人之祉忝竊踰分承藉實難

歸菴文稿二刻卷之四

宣城湯賓尹著 金谿門人李曙寰校梓
封文林郎高公合葬墓志銘

東海有隱君子曰震泉高君諱東陽字宗乾萊州
萊陽人也齊俗喜劒博踢鞠快事而君用孝謹闔
戶自戢既孝謹自戢矣而於其兄東明所逐擊劒
陸博踢鞠舞竿之事心非是之然不敢逆以爭也
所費擲一于君乎取驩然應手無愠色有某甲者
黠而豪故攻剽黨也日夜裘馬走子弟出入街巷




根深者葉必茂源遠者流必麗以陳之族自唐迄
今曾未有特顯者獨其敦忠履信之風蓄之逾厚
藏之逾密及此時也德善不改詩禮秀出振發豈
有量哉觀古今家國之會有孤綿累世而賀其將
興有烜赫一朝而憂其不祀者種因植宿之間君
子所不宜忽意也子湯亦世窶高曾而還代有隱
德以集于我祖終其身惟長厚之安今其魂魄亦
樂近善鄉其食于茲土與陳之食于茲祠世世宜
相望惟子小子襲先人之祉忝竊踰分承藉實難

膳菴文稿二刻卷之四

宣城湯賓尹著 金谿門人李曙寰校梓
封文林郎高公合葬墓志銘

東海有隱君子曰震泉高君諱東陽字宗乾萊州
萊陽人也齊俗喜劒博踢鞠快事而君用孝謹闔
戶自戢既孝謹自戢矣而於其兄東明所逐擊劒
陸博踢鞠舞竿之事心非是之然不敢逆以爭也
所費擲一于君乎取驩然應手無愠色有某甲者
黠而豪故攻剽黨也日夜裘馬走子弟出入街巷



用者之利 卷三
巷人皆縮頸避東明直以氣撻之曰吾得肉若某甲恚甚謀東明會君族屬有戍於外者其子死東明封緘其家以待子某甲甥也某甲輒破垣屋盡奪其財物歸而反行金子主訟者抵東明謀財君子是裝百金跣犇撼郡縣門呼愬某甲則伏其徒狙擊君不中則益耽耽必死之而君適爲里社長趣賦乃陰貲逋賦者闕君而旋篝殺其婦滋行金聽者左右縣官耳誤遂坐君殺人當是時君兄弟共羅大獄幾無道白也居有間以旁邑令明之君

甫得脫出獄嗟乎豪之黨易蠶也狡賊之孔無萬而金錢之術神也更有司恣喜怒縱鷲善以白戶生死爲財與勢地也有高君之枉而無旁邑令之明古今良善陷洿相連屬不得一吐者豈少哉君旣出傾其家赴兄卒愬某甲不法狀論遠戍以死者里中各持牛酒賀君直而旁邑令之聲遂大振君性沉厚服食簡廉生不學書而恂恂斤墨類儒者急兄之難立意感慨暴得洗發烈身名又類俠



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black

與者之利 卷三
然始娶王氏生二子峯峩繼焉氏生二子岸出當
王夫人在也家故有千金其後斥以供兄日就落
兩大獄起而室若洗矣周旋擘畫百須皆焉孺人
手指而視遇先夫人二子一若已出死之日岸纔
九歲出六歲君念之爲不更娶臥二子腹上長養
之已出舉進士爲令詔出前曰孺子慎之而翁所
由幾死所由生皆是官也言未訖淚歔歔下出是
以齧指不敢易其官由大名調曲周最得封君文
林郎焉母贈孺人萬曆三十二年出上兩計聲冠

輦下將陟不復知用何語左調歸而君病在褥顧
謂出曰孺子第母以人命賀官孺子徙何害浹旬
爲四月二十三日年七十四而卒王夫人卒於隆
慶二年月日年三十八贈孺人卒於萬曆十二年
四月十九日年三十九將以某年月日合葬于祖
墓西若干步峯咸陽縣典史岸邑庠生出之舉進
士于戊戌余所薦也饒官行尤噪文譽孫男子十
一人曾孫二人余知出者故於其父母之葬不得
辭銘也銘曰



謂令權輕人生人死謂令權重多金可使之死得
生有逢其良匪逢之良實惟德之祥書作家乘永
稱縣譜惟君有子民之父母

余母兩宜人墓誌銘

故奉直大夫合州守余公諱世儒先後兩娶而賢
曰孫宜人胡宜人孫宜人生故隆慶戊辰進士南
京戶部侍郎兼都察院僉都御史贈工部尚書懋
學胡宜人生今萬曆甲辰進士懋孳太學生懋洵
奉直歷三官以南康令贈其父母也稍徙知合州

隨投牒以去而其時尚書已自撫州司理給事南
省矣江陵相怙權給事首白發之削籍者八年江
陵死給事自田間首起明年補前壬午覃恩而合
州始稱奉直兩母稱宜人初奉直有異資九歲試
邑一日就兩瑞麥表無複者令驚以爲神遍爲鼓
譽急壻之辭而孫公者來約逮孫宜人歸則奉直
舉于鄉二歲矣奉直甫勝冠遠近士無不爭來學
者而自其少聞長者之論自期負不凡益走四方
從錢緒山鄒東郭諸先生詰究學之指歸當是時



出經伏臘無違養之慮入集朋徒餐盞遍給無失
容皆孫宜人賴也奉直九上春官終以乙科授瑞
安令次維揚而孫宜人卒於家會之官以贈南康
公命繼胡宜人焉由瑞安歷倅鄭州商州先後銜
愜堅不欲起矣胡宜人曰未可也三釜不待不爲
一命地乎及以南康贈其父母尋徙合州不欲行
胡宜人曰可也曩所爲一命計者遂矣給事削居
而秉臣憾不已酷訊後言者欲傳其罪當是時闔
門震撼家室子女幾無以自存胡宜人轉勞給事

也給事曰見何憂憂以見故恐尊人耳胡宜人曰
而父樂也給事曰但尊人安則見安矣所親語人
曰給事忠孝乃大類母先是里有負芻之寇闔室
走孫宜人從便門出矣而聞贈南康未脫還詣請
無休吾翁賊義而釋之人所謂給事類母者也孫
宜人以正德丁丑十月四日生嘉靖己未三月九
日卒年四十有三胡宜人以嘉靖壬寅六月二十
一日生萬曆丁丑六月二十三日卒年三十有六
奉直之卒也后胡宜人之二年其葬在里之古樓



明者文利外三
岡穴僅一兩宜人不柎卜兩宜人葬者山於中插
歲於丙申矣而冢子尚書病以卒人不謂吉也從
形家言移右十步高十尺有自然穴穿之信然乃
以壬寅九月乙酉日更封樹之明年進士君舉應
天明年捷南宮餘在奉直誌中銘曰
璣以礫綴而戕穀以削緝而龐夫誰使得一賢復
得一賢如雙星之峙明而胸魄之相望有隆其阡
提手將將壤舊宅新筮者曰祥子之似母弟趾其
兄


李孺人曾母墓誌銘

萬曆三十二年翰林院編修曾可前疏假歸將以
某月日徙葬其母李孺人方是時去孺人歿之歲
三十有四矣孺子歿編修尚幼未髮內外姻黨哭
孺人賢者摩編修頂嘆祝之越三十年爲今上
辛丑編修及第三人其年 覃東朝恩封父某如
其官母李贈孺人服仕不數月綸施其親臣子之
特遭也是時同編修拜命者無不喜交賀而編修
時喜顧時涕出然不以告人今年徵子銘據地大



哭曰吾哀吾母也無身世一日之驩而伐之年孺人蓋生於嘉靖丙申七月六日卒於隆慶辛未七月十五日年三十六耳父諱某禮部精膳司郎中舅諱某鞏縣知縣膳部鞏縣皆先亾母姑皆歿也而孺人於膳部爲冢女母提乳孤數慟以絕賴孺人數慰藉之母歲時疾孺人扶脉百方旣任婦則移所以事母者事姑不啻勤渠矣而母所提孤復殤膳部之嗣于是而絕母形影無吊孺人每一念之輒淚披面也然又不欲令姑知故淚彊言笑趣

事家故貧節食食姑忍窘餓而一紀中乳七男女血以產枯又六男中三見其殤也背啼不任痛嗚呼孺人於身世何如也憂能損人孺人固無與於壽法耳天之驅人也賤貧也患難也皆情之所不易遣也有智男子焉讀書明義理一日解悟百遭逢可以相捐然至子母之間同氣相屬朝夕慘頓相觸雖有至道不可以解於此而輒解可恕無情則亦不爲知道者矣然至於悲感痛癢遂至病以死非至性孝慈有此耶孺人病且革謂其妣曰已



矣恨不終事吾姑已姑泣臨問何念念男女乎孺
人曰吾不憂男憂女也雖然有姑在時孺人有冢
女且待年尤愛念之云嗚呼耄姑在堂幼兒女未
立未免有情不能無動况慈與孝出其至性若孺
人者邪孺人歿未數月而最幼子寄養姒所者亦
殤女適諸生袁世憲不滿四旬死矣所遺存二子
一編脩可前一可芳也其後袁夫人繼而生可封
副室嚴生可對可樹兄弟奮發有立曾氏盖日顯
矣而孺人不逮歷三年編脩官侍從始得邀天
子寵綸報三十餘年地下之親此所以拜命而泣
徵銘而大哭不止也始葬孺人者爲白泥湖畔形
家有遺言卜其原更封之銘曰

東家之子飽錙蓄緡歿時拳空不將一文西家有
嫗麋梨陳耆已而已矣誰謂其壽切雲之宮或世
而夷厥屋斧如所在纍纍問以子孫相顧而哈玄
肩載規華綸載輝子姓祁祁所得孰多孺人自知
戚畹李公墓志銘

慈聖皇太后之從兄曰蒼泉李公諱文松其先山



西翼城人後有徙順天灤縣者遂為灤縣人累官
錦衣校尉侍衛 東官以總旗辦事東司房捕賊
有功 內工竣遷錦衣衛副千戶 今上十年有
詔拜錦衣衛指揮使昭舅將軍公為人疎愷美須
眉嘗從 南郊奉巾盥前導舉止端謹儀服都閒
上指目曰髯而皙者皇舅李耶還 賜佛像盛飛
魚服蟒邊甲繡唇刀及銀瓢茄袋各二事嗣是
駕每出必以公從遇幸在諸戚黨上然 太后數
勅外家幸戢約自刻母藉勢寵放恣為而公尤素

小心趣 教跋跋若不及所有 增封益宅諸非

時 賚予固遜謝當 太后指 上愈數褒美之

十餘年以來 上齋居深宮簡 行幸公亦退局

私第雜治園池花鳥隨其所過逢飲歌為驩而已


讀書不甚了而馳音驟響傾吐若通儒喜與名士

大夫游日夕款密然竟其身無一語之屬田桑什

一之業督課不改窮屋而於民居民田民利一無

所侵擾以萬曆癸卯七月四日得年六十六卒計

聞 太后哭發聲賜金三百兩布百疋為歛具配



曹淑人先公卒于二大本


東宮侍衛領班官大

銘曰異代傳外戚重侯累將貴富窮奇而能自戢
抑以母敗亾者蓋亦鮮少又余所遭見豪貴之家
不越編間氣勢輒乘人莫可適何言 國戚信公
之所履其賢遠矣我銘公藏匪公之私式節惟嚴
以昭 國懿

崔贈公合葬墓誌銘


工部營繕司主事崔子廷健之父曰和齋公其字

兆興其諱祥先是崔子官行人移贈公爲行人會
萬曆辛丑 覃東朝恩行人願以秩格崔子率所
司疏請 上優可之詔以改官補給下其事司封
于是壬寅崔子徙工部改贈公承德郎工部營繕
司主事贈兩母皆安人既函 勅書焚黃墓土已
則嚮其同郡友宣城湯賓尹泣曰悲夫廷健之背
先人也徑尺之石不能具也撮其孝友之實第勉
而書諸譜今越先人歿且三十年幸得贈兩官辱
天子褒題於地下有餘榮已惟是親之舊德 君




之新恩俱不可無紀將穿窬而納焉敢累吾子惟
崔氏世序具譜中公齟而失父弟瓠者孿者俱尚
幼也母夫人日夜抱以啼公背而嗚嗚進見母夫
人杖淚慰諭承悅百方身自菲瘠力田而腆贄孟
助二弟學已爲先後畢聘娶二弟旣娶婦母夫人
稍稍色開亾何相繼夭各遺一孤衡甫僅一歲衍
甫僅三月母夫人抱二孤孫與二孿益日夜啼也
公背而號天進強顏安母退諭其配李安人諫勸
二孿老姑幼兒最兩事大耳早起必相二孤神色

每食多寡衣厚薄一日之中必數十省眎小有風
熱病輒長夜籲號曰天天崔氏世不乏善在此二
肉矣而是時公固未有子旁多睥睨公以其命脉
擁護二孤而斥其筋力之餘殖產產漸饒益爲選
師教二孤出入必戒最後生工部時年三十有八
矣雖愛之甚不能更加于二孤也二孤旣壯克任
事工部總角補邑生員尋廩食公始幾微弛擔負
而母夫人固在稱九十率諸孫子婦跪謁上壽爲
驪以萬曆甲戌三月哭母尋以五月卒於家得年



五十有人公性溫厚與人無迕尤篤於宗族族建
祠公爲經紀其事先工匠以往後工匠以息竟以
是瘁病配李氏贈安人生工部兄弟四子者胡安
人也而李安人子之甚于已出衆以爲賢後公三
年卒其後崔子官行人三年爲歲丁酉而胡安人
卒以己亥某月某日合葬于縣西金雞山之南四
子長卽工部君廷健娶某氏封安人次廷循次廷
徵廩生次廷衛附學生女二李安人出者適庠生
李德熙早卒胡安人出者適譚經歷子本培孫某
某出其某出蓋工部之書譜曰先大人之成二嬪
撫二孤也苦心萬狀卽二嬪弗知二兄弗知獨神
明鑒之耳噫崔子之善狀其父也夫使人之爲友
愛也而當之者能盡知之盡言之不亦淺而未至
乎公之孝友卽公不自知其所以蓋至於今雍睦
在門庭昌熾在後裔三十年旣湮之姓字 天子
重褒題之燁燁綸音華於玄隧神明有知庶其在
此是宜銘銘曰

單脊扛門肱復雙戕由前言之誰適爲殃年近四



而子陔生功且一世而名重揚由後言之誰適爲
相蓋天將以成公之德故鞠凶所以爲彰而弗祿
所以爲償嗚呼孝與弟其難量子孫守之世永昌

徐先生誌銘

南石先生姓徐氏諱誠字思誠撫之臨川人也先
生以文行著聲試有司輒冠一時知名之士如黃
御史梁山高太僕谷南舒司寇繼峯心折先生率
遣子弟往從之遊所與遊後先貴去而先生僅以
歲貢授訓寧國已遷豐城諭宿州學正以歸萬曆

三十五年歲丙午先生稱八十先是癸卯先生命
其子必遠數千里走京邸謁賓尹曰我屢與子知
身後之石必子也事雖然我願及今而寓目焉賓
尹選不敢對未數月先生責成命賓尹曰先生年
固未涯不得議此其後每書至無不以石文爲言
賓尹曰先生行八十且爲一言壽先生無已略倣
記傳體爲一言傳先生可乎而先生滋不悅書至
責甚厲曰何子之不達也夫人之有身猶其有官
無不了之官上之極品皆有盡也無不死之身千



歲百歲皆有盡也官諱罷老諱死遭延一身莫爲
已計吾耻之吾幸脫于微官今旣老宜辨死事吾
慕夫彭澤之自祭東臯之自銘而以托之子也蓋
先生性伉直與顯者交絕無依阿十餘年一羶稍
不得輒提帽以歸獨遇寒士多所提拂道義懇欵
骨肉有加焉予爲諸生時漢陽蕭公實守寧國一
學宮者蕭田曾公武進潘公與先生皆愛異

予後蕭田武進皆徙去

闔齋男婦若家人予赴館留京先生取頭上銀簪
簪予髻曰子自是當貴然會期莫可知矣語未旣
相抱啼泣一時學官弟子相得之致前未聞者予
時少壯性慷慨脫足便行尚不以爲意其後予旣
仕驅走南北並冠蓋人周還率多皮面中所更歷
鄉黨之變投崖走壑窮身獨竄追憶曩遊邈如隔
世然後知道義知己之難而往日之過從爲可惜
也十餘年間旣哭武進又哭漢陽予與曾先生者
猶各以其身試于崎嶇歷落之場青泉白石命酒



耽詩獨先生在耳然後知聚散生死之不可常而
先生所稱有盡之官有盡之身爲深于道而可爲
世之迷迷者解也先生家故貧不治生產而孝友
篤至所得廩餼時割以充其弟常通友人數金非
約償者其人死其子失業先生念之償浮其數而
猶未止也配孔孺人啖苦攻作性卞急然無他腸
細事觸之粹若不可忍已則煦煦若無所觸者御
副室唐有恩唐亦宜之先生生於嘉靖丁亥二月
初一日孺人生於嘉靖癸巳正月十一日白髮齊
眉紳士所羨自予別先生郵筒徃復得先生手副
猶作蠅頭楷與客飲接終日夕不厭前一歲傳先
生病風痺已而平痊非先生得道善調攝何以有
此子五人必復必進必遠必通孔孺人出復進通
皆早卒遠補郡庠生與予共衙齋臥起者也必采
副室唐出女二長適鄒以學次適京衛經歷周世
禎孫男一孫女一子旣奉先生命無所辭銘乃爲
之銘曰

惟漢有高士曰徐孺子世居豫章其後子孫散處




明末文和卷三
列城在臨川者以嘉麓鳴嘉麓之徐再爲菱塘惟
先生祖五世其昌宛陵一榻縣之至今曰惟吾子
之言吾須以寧猗先生片言匪報寸心在盟知已
實難千載聞聲

廣東按察司副使浴宇曾公暨元配鄭恭人
墓誌銘


萬曆三十四年歲在丙午十一月十八日莆田浴
宇曾先生卒于南昌之瑞洪子弟就尹官南昌以
書來告賓尹發聲哭曰嗚呼吾師也吾少時所受

知三數人今相次盡矣嗟胡不哀嗟胡不傷明年
其孤偉卿徵及墓事明年告葬期越六千里速銘
賓尹旣羈官下山川阻絕不及畚土執紼之役愧
負生平此尺石者非賓尹事則誰事也初歲庚寅
先生教授寧國甫課庠生得賓尹異之額其卷曰
才識學俱可橫天下一時老生不盡信以爲然其
後漢陽蕭公來守府所賞識與先生合羣諸生明
倫堂中月兩課課必五義悉先生甲乙之上守公
守公又更爲甲乙越數歲卒無不第一賓尹者子



時屬文甚遲拙日西下諸生以次納卷各囊筆去先生獨率僚官坐候子夜分人散盡迺引衙齋酒舖相繼或竟夜不能就需之明旦又酒舖以出人以為校官秀才之遇無如此親厚者而先生故以桂陽學正分校江西高安朱公司理吾府者先生所薦士也蕭朱兩公爲政清肅不可犯諸藍衣好走官府攬結公事者無所借徑或相率謁先生至則與談書談舉業稍聞輒醉之酒不得微及他事終理公之官無有敢謁請者士子亦斤斤洗削自

愛自先生去爲守爲理爲校官不知何如人寧國之士風有不可言者矣先生諱光魯字子魯讀書別有微義不能舉向人及點綴出又了了白文中者與賓尹姓復如射覆丙子舉于鄉就桂陽學正丙戌成進士令貴溪疏改寧國教授辛卯仍分校江西歷南戶部主事郎中權杭關守江西南安八年始遷廣東副使先生嘗謂予曰吾平生百事皆遲生子遲第遲官路遲吾守吾拙道如是也故所在榜曰寓拙其在貴溪也所司有索賄者先生不



爲動怒之輒決意疏改在南安營飭宮傳關梁不可選紀中使張甚檄稅橫浦先生力引地方窮隘人情獷噪之狀條上其不可因括餐錢充之稅議以寢蓋先生直心直行守躬便民者類如此娶鄭氏封安人再贈恭人側室莊氏楊氏二女其一恭人出嫁庠生俞章一尚幼二子鍊卿偉卿皆莊出也鍊卿勝冠而天偉卿一名鎬娶魏別駕長女生子象祖聘方生女許戴猶記衙齋時二子皆幼明媚可喜時呼小字爲弄問所自生不知爲誰問

一切酒食家政所出入惟莊夫人恭人溫惠之德足以觀矣恭人生于嘉靖己亥三月四日卒于萬曆己亥四月六日得年六十一又八年而先生卒距生己亥閏七月十九日得年六十七其葬以某年某月某日其地爲九華樓隱牛運山背丁面癸始恭人歸未半道卒于杭及先生守府十數推不報堅告休矣予移書固止之及歸亦竟半道豈非命耶雖有大巧不能移命然則先生之拙乃其所自全也與予故爲論次之因系之銘銘曰



士窾以走捷兮何竇不鑽惟先生之道兮拙遲是
甘彼緩至與疾至今其程則同而一不失爲君子
一未免爲小人則安見夫巧之非鈍而拙之非工
吾銘吾師兮永砥厥躬千秋之下兮吾道常隆

贈奉政大夫東野張公暨贈宜人沈氏墓誌

銘

吾友張叔翹喪其父垂四十年而成進士也成進
士無幾郎刑曹會 覃東朝恩獲贈其父承德郎
母沈贈安人又五年 皇孫生再 覃恩加贈承

德奉政大夫母安人晉宜人當奉政卒時年四十
四耳疾且革顧謂宜人曰脩短數也第吾親老三
子皆幼稚吾目且不合今一以累若矣已指叔翹
是見必貴恨吾不及見也若善成之於乎一官甫
拜綸紀重逢卽奉政善券兒豈期四十年後異數
乃爾耶惟傳家之物莫孝弟長以予所聞奉政多
軼行孝誼尤篤若人也不年固宜天之以子倍償
也奉政之父曰謙齋公謙齋公樂酒好客奉政宜
人百給鮮腆娛之謙齋公既老而繼龔孺人性嚴



急奉政宜人百方佐養逾所以事先母姑者龔孺人舉一子謙齋公絕憐愛之謂奉政曰吾耄矣是呱呱者終以爾爲寄奉政跪且泣兒一日在者必不以大人所愛遺大人憂凡被服食飲之類長養撫摩逾于兒子龔孺人自是心喜色都霽及奉政蚤亾龔孺人哭之哀至老語次及奉政輒潸然淚下於乎孝也於所自生固然耳曷異而紀焉且人之父母愛其子未有忍以其子爲非孝者也易逢怒而難弭心惟異母而是故聖門之學獨閔曾焉

稱也奉政家故貧有妹婿火叔明者負官錢幾不勝榜笞矣奉政因走無邪視宜人篋中簪珥及織緹所積可數十金密持去償官叔明遂得脫已而宜人覺之謂奉政曰胡不預言人吾豈有所靳耶奉政曰吾以此事不宜謀及婦人耳因相與一笑於乎緩急之際羹豆之間吾以觀人情也割所私於闈柵周所親于旣難非傑丈夫曷有此誼其曰不宜謀及婦人者是也如宜人則饒謀者亦世男子之所讓誼也奉政諱汝問字質夫間嘗言吾晁



于東臯之野為聖世逸民足矣固自號東野生于
正德某年某月某日卒于嘉靖乙丑某月某日奉
政卒宜人課叔翹彌莊以一缸膏坐之紡輓側永
夜緯誦與鳴雞相應嘗感異夢尋奉佛持心經一
卷遂以蔬素終身生于正德某年某月某日後奉
政二十四年而卒萬曆戊子某月某日也年六十
一始宜人父無子雅不欲立後宜人力諫成之父
臨終遺命中分其產與人力此沈氏業異姓
惡得染指若此者皆勝男子遠矣三子長所性娶

湯次所教娶黃次即叔翹所望以辛丑進

部某司主事郎中今為知府徐封山人孫

男女各六人叔翹在心尊即以銘屬賓尹數年矣

賓尹方典 誥不暇作叔翹數責諾而賓尹以宮


官使歸因銓次其狀系之銘曰惟張氏之先世居

汴梁其家海上之揚溪從宋南翔代有隱德以及

我明諱郎厥惟始祖崇仁祀良祠部繼之復有永


城辰羊乃更呼揚溪為張家塘惟張有穀實篤贈

公履仁敦義近遠所宗胡年之喬胡德之豐騰乃






國家圖書館, NATIONAL CENTRAL LIBRARY, TAIWAN, R.O.C.





國立中央圖書館, NATIONAL CENTRAL LIBRARY, TAIWAN, R.O.C.




Inches 1 2 3 4 5 6 7 8 9 10 11 12 13 14 15 16 17 18 19
Centimetres


TIFFEN Color Control Patches

© The Tiffen Company, 2007


Blue Cyan Green Yellow Red Magenta White 3/Color Black

國家圖書館, NATIONAL CENTRAL LIBRARY, TAIWAN, R.O.C.






國立中央圖書館, NATIONAL CENTRAL LIBRARY, TAIWAN, R.O.C.



2465196 v.3



國家圖書館, NATIONAL CENTRAL LIBRARY, TAIWAN, R.O.C.







潘菴二刻文稿卷之四

宣戎易賓尹著 金谿門人李曙震校梓

先大父大母合葬墓誌銘

賓尹爲諸生一歲而謝大父成進士二歲謝大母也諸生時奇窮不辦養斂進士官詞林窮無以異諸生又大母屬纊之際賓尹適歸 節家封史與季伴送之維揚任終事者外惟一仲內惟諸婦而已蓋又十年賓尹再使在里始得從封史後躬紉畚之役歲曰丁未萬曆三十五年十二月十一日

國立中央圖書館藏



地曰後潭之西冲又曰青塢面丁負癸去本家四十里是役也封史晝夜營卜塢二十二年之心力以畢此宅而始即寢也自惟薄劣無所効于先人顧視二十餘年土風移易情事迥舛求所為大父彷彿者而抑亦寡鮮矣嗟胡不思嗟胡不悲大父世力農糞礮田數畝不給則從曾大父行里中賈已乃合季弟已率季子竟以賈老其身大父雖以賈老其身于賈家所為顛權程石斂賤散貴之法都不復曉筭時斥魚鹽酒肉貫宗人度不為賈者

削簿帳便之不復索矣性厭市郭十餘年不一至老不識那像方嚮不見官長嘗市貨蕪陰泊傍官舫揭蓬頂偶出若擬小便者為舫中官人所怒扞歸大喟曰嘗言官官今財知之利害乃如此那族有短長事列席酒衆拉大父大父握手謝曰我不貫此酒續遺分肉二脰急麾之平生不啖閒酒杯無名錢不手一文也賔尹小時隨封史讀書劬舍舍與隣雜植棘藩為界隣者數移藩適大父省書來賔尹路遇之以告大父隱聲曰兒任之歲移



不鈞尺何賴也手牽賓尹以還慈讓率如此始曾
大父好儒數買紙筆獎兒童之能畫字者占幾字
對者病且臥封史所從姑翁姚先生來強扶牀蹠
泣以封史屬曰若必爲我士之而封史在讀大父
方在賈所行束脩共膳學官儀節之數悉大母手
指自辦自咽糠粃別以穀食食師賓嘗久雪三月
無薪取所治棉粗煨別鑄目幾蕪塞也大父頻年
行水因下溼不良于步晚年猶躑躅不休大母有
癆之疾髀腴寸寸瘠輒置木橛支背被及兩股


紡織窮辰夕無頃刻之逸初曾大父憂之甚嘗
戒大母則用布幘自蔽母令尊章知札也與雞
相荅曉光達于壁復執爨竈下矣大父諱滾行高
二號東園于曾大父沙溪府君爲長子高祖敏五
府君爲長孫其于孝弟忠信非勉也與季共賈事
而一酒一羹必以仲俱三人無間言瘦面肥髯與
人處洞露肝鬲雜諧無遠近親疎老幼無不滿
意去人思歌之至今生嘉靖乙酉四月二十四日
卒萬曆丙戌十一月十九日得年六十有二大母



建平沈氏生嘉靖戊子正月二十九日卒萬曆丁酉三月初一日得年七十子男三人長卽封史諱一桂以賓尹滿編脩考封娶我母施氏封孺人仲一相娶畢季一中娶萬又娶姚女一人嫁生員郭可化孫十三人爲封史出者賓尹今爲右中允次就尹鴻臚寺序班次任尹大學生以葬大父母之前二月卒年三十二耳次薦尹次衡尹次近尹俱縣庠公之家尹仲出者寵尹季出者用尹鴉尹師尹之尹尊尹曾孫二人長孫喬孫男昌俱切當封

史爲諸生不利田作之勞實仲也獨人多以爲詭至賓尹蚤庠而大父母喜甚也曰是見必效然大父不及賓尹之第大母及矣其年七十奉一紵衣不御曰非我貧家所宜奏鵬未十日而終子孫所效于先人何如也嗚呼我是以悲而志之因系之銘曰

貴富之家謀田伐宅抑思其前本分者割兩脰一文辭受所矜豐筵腆遺識主誰名味美思兼服温思鮮抱緼舐糠亦敵餓寒老不釋塗病不釋紅健




婦飽兒日嬉以慵曷鞞而肉曷跣而逐實播實種
以詒厥穀小子鑿詩敢告後人祖德無瑕踵此者
興

馬處士墓誌銘


馬子御爾喪其父九年而無所托銘也皇皇焉不
安臥食歲丁未予使過里猶子病問爲小兒醫者
僉以馬子告試其術良精而馬子甫相揖輒啜
如有所欲吐越月就予白丁伏地泣屬以銘其
父南泉公者予於吾中人物臧否謝絕不敢齒又

其時戒行李還 胡筆墨之債積廢不理矣而馬
子有必得之色察其歸意又甚亟爲其母夫人年
高無能頃刻鄰下離者然又以不得予言必不歸
予竟無辭于馬子於戲若馬子可謂孝也已馬子
之醫發自其父爲予道父一二軼事有陳姓者病
瘍貧無以爲醫濱死矣逆之臥所躬親調酒增減
藥粥匝年而起遣之歸其人願事終身復貲爲之
娶已又殯其翁媪平生客建平以老有所善郝君
郝且輩謂其妻曰必以遺孤依馬先生卒子視之



俾有成立一日以百金見寄而催盜間者曰乃公
緣隙覆之耳聞且笑勿辨也第急謀所以償者頃
之盜獲而事明於戲緩急生死之際密親腹友所
易携也疑似之間賢知所必標白也厚爲德于所
不知之人而陰爲行於所不知之地長者哉夫雖
老儒深讀書曉解大義難之矣公固善醫其少嘗
行賈所歷江淮楚蜀諸勝處孜孜吊古訪異人會
賈真州值倭僅以身歸乃改而學醫醫日有聲矣
所遇貧窶老孤殫心劑治不問金貲貴富行勢力

延不輒赴赴必謹視其禮數隆殺少愆輒謝去不
更往自立如此於戲挾一藝焉誼不爲苟逢况抱
聖賢之學以走世者耶公諱槃字廷用別號南泉
生于嘉靖癸未三月五日卒于萬曆戊戌十月三
日得年七十有六性便慧多能每于所居舍小構
亭石花草別爲角觚影燈火樹之類各各有致所
著有百病竅二卷藏于家娶張氏生男女各二人
長琰娶張繼陶又繼沈次卽御璽娶胡女適何繼
書葉紹芳予旣收馬子之志又追維公之行有足



銘者乃許之銘曰

然諾之時人多緩急之時人少寒賤之門人少貴勢之門人多以此塵情校公風誼豈賈生所稱不居朝廷則在十鑿中者耶於戲

喻贈公暨封太孺人高氏合葬墓誌銘

喻子繩祖計其母太孺人也賓尹唁焉喻子捨地哭孤非人哉需廩幾何倍吾母也已嚮賓尹鄰地請孤非人哉喪父廿有年而片石訖然今併煩子矣予旣領之退而喻子遠蹠奔不獲待尋予役闈

役 誥役 封藩往復一歲所中遘弟天兒殤之

變百事昏瞶不復省矣甫邸侍御李君數徵諾予蹶起曰誼哉李君乎同是友也我則負責吾甚愧李君取喻子所手爲畧披覆之喻子媿媿稱說贈公孤特抑厭更患難非世所經受又語若脫于疾逆瀼轉澀若不能畢吐者人情自戀其故不必然之物千乘可捐尺椽寸椽世安之不能割也猝至之虎豹奮身當之可以相格蟲蠹之朝夕勇者忍乎哉贈公少孤鮮兄弟單孀之軀與衆共之矣又




不幸而有先人之詒資田金千舍金百日在豪有力者耽耽中贈公計曰使吾無身曷須此爲使吾有身曷須此爲居亾何田爲人所田矣傷人不平也笑謝之又無何舍爲人所舍矣傷人不平也笑謝之則徙而守跳石一馬之區支啖粥者二十年然猶歲爲族人輸浮稅第時時私指喻子曰所不在人手者幸有此督課甚厲旣喻子乙酉舉于鄉贈公曰可也吾以信吾肩未二年死矣萬曆丁亥十一月三十日也距生嘉靖壬寅十一月二十七

日得年僅四十六大孺人者高氏十三而歸贈公當公爲人所齟壹意愉辭慰籍之乙則隱淚供績織佐所不給亾朝夕休也及喻子第有祿孟中之粒悉以活餓貧橐中積一文以佐津梁貌神宇曰吾饗忍獨矣故喻子自第至今官未嘗一日焉敢華衣美食之安太孺人生于嘉靖甲辰九月二十六日以萬曆丙午九月九日卒于家得年六十三生四男子長卽繩祖同予乙未進士繇沅陵滿考贈公文林郎如其官封母太孺人陞大理寺評事



娶陳氏副張氏次紹祖娶高氏次光祖庠生娶劉氏次榮祖娶高氏副戴氏女一適庠生高繼祖繩祖之子大有大壯大乾有壯俱庠生紹祖之子大觀光祖之子某某榮祖之子某凡孫男六人孫女六人曾孫一人曾孫女二人嗚呼喻之閱簿亦已云繁以視贈公幼孤時何如也贈公諱承恩字三錫號聯江父曰暉庠生以艱嗣四禱誕公之夕一老僧夢堂柏叅天故小字柏祖曰順令無錫有聲以子時貴贈御史其先有勅封行在戶部主事喻仕達者爲內江封官之始生子彥斌歲儉出賑穀二千石有司奏聞表其里又兄弟共兆讓其弟知府彥義居左至今科第連蟬者多右派也喻氏之讓德世矣報亦如之謂非天道哉贈公以戊子十二月葬于樺木之陽今以其年某月某日祔太孺人而賔尹爲之銘銘曰

凡今之人紛紛藉藉爭一世以沒皆始于不能忍與不能割夫不能忍辱焉能忍福我不能割于何能掇蓋物之來去有時而天之好還不脫惟




人無不忍也無不割也神明胙之祥長發也

梁孺人墓誌銘

侍御王子開之配曰梁孺人者以萬曆三十六年七月十九日卒于京邸先是歲乙巳侍御應內


召奉何太孺人來孺人從明年有產之厄濱危者數矣輔之百藥尋間已而有身明年戊申夏病劇太孺人憂之尋藥尋間尋復劇猶從枕上數強起寬太孺人無憂延至七夕免得女然病自是不可爲矣將革侍御間所欲言曰壽夭數也予無憾念

太孺人篤愛婦婦不能終侍反以呱呱者貽之累耳語未訖絕後十六日天子下臺省之命侍御拜今官或謂侍御曰壽夭數也信乎曰固也勞傷人憂傷人孺人自其爲婦居最少一切井曰事固有任焉者矣孺人曰少勞分也直事先之晝夜作不休初輔讀繼輔官無幾微逸暇故曰勞男女之痛巨矣孺人凡乳七男女僅存者各一雖勉顏面以驩太孺人于中不無隱刺故曰憂雖然有數焉不可得而逃也子問內行于孺人也無天法侍御



孝友篤摯恭事諸昆相怡以樂無間孺人之恭諸
奴也亦如之侍御居邸三年至無以爲爨數稱貸
從事前此縣餼入率以贍諸昆孺人未嘗以一文
一縷私諸篋也亦未嘗以一文一縷私其母之家
諸過侍御邸者門嘗扃嘻嘻之聲不聞自臨晉樂
亭遵化官三地至今朝夕典鑰所爲勅備甚嚴孺
人行如此頃之侍御奉命巡按應天應天缺巡
按二年所輩趣侍御過往侍御唯唯有太孺人在
便奉以歸趣者曰奉太孺人是也王事急宜不得

家侍御唯唯已泣今始知婦矣使孺人無死安太
孺人于家吾無戀焉今始知婦矣蓋孺人性淑慧
紉饋之事百長太孺人甚宜之食也必其手調非
是弗甘也衣也必其手製非是弗適也自贈公背
孺人從朝與之朝夕與之夕依依帷前如愛女一
旦去之安太孺人者何也是故侍御往而難鄒下
之離轉念孺人悲痛之孺人父曰梁某宗人府儀
賓贈公曰某再贈文林郎山東道監察御史子一
日之仲聘河南叅政周公傳誦女女一尚幼侍御



令臨晉以贈公喪歸孺人裹之無失禮後奏滿拜
封上太孺人壽已滿伏相向哭失聲傷贈君之不
待也孺人卒又五十日再以恩例蒙贈而孺人
不待矣悲夫孺人年二十七歸侍御爲婦二十年而
卒距生萬曆元年八月初四日得年三十有六侍
御諱國禎與予同乙未進士予爲撮其畧書之銘
銘曰

秦中生燕中死今古長安相終始平生執勤佐漚
瀟櫛縱燻潘靡弗矢孝恭溫穆爲婦軌方齊有家
裕穀祉昧爽日入云胡駛姑今以西母將子陰侍
魚軒歸閭里餞以錦韜追命璽亦有史詞摘厥美
款此幽宮詒萬紀

候補吏科給事中瀛嶼吳公墓誌銘

萬曆三十五年予使歸將次淮見有艤舟額吏科
者適問之宜興吳也予曰必吾友均濟急權謁其
奴子四數辭謝主病不任迂予叱曰何也友病能
不一視跨舟啟幙僅兩手拱也面火色目瘳或時
作譫嚙已瞠曰大政記完不良久複曰先母謝大




作兩語了了予領之而已出呼其奴搔首語之謹
醫藥母易問伯仲兩郎何在曰在家曰星趣之移
時還我舟意恍惚不忍捨去者繹里許薄淮陰驛
下質明榜人告行予曰未也急一人訊吳爺來湏
更岸有奔者傳且葦岸而馳男婦四走舟內外無
適主就視絕矣嗚呼子與均濟交十餘年豈謂今
日適逢于此平生與均濟熟語所料理皆天下事
今以歿事相藉耶初均濟以選貢_吳應天第八人
與予同鄉書明年乙未同成進士三甲臚傳選太

常博士太常清秩而均濟捷門窮典故寒泊如諸
生踰五年考選擬吏科給事中尋以嫡母張孺人
憂歸歸二年與選者皆實授矣均濟獨在服會除
赴補不報又二年而有生母姚夫人之憂數千里
蓬奔跣走擗踊頓頓幾病以歿夢一紫衣人授以
丹訣而愈先是均濟滿太常考姚母格不得封缺
然無以爲驩屬 覃恩得封三母均濟在廬讀詔
書喜見眉面需次旅舍餼冷薪瘠厨橐蕭然惟是
恩綸之爲孜孜徃復若相避亦已良苦初出以嫡



母歸再出以生母歸三出未半道以柩歸嗚呼可
憐也已均濟性至孝奉養二母終其身無間言嫡
兄二俱蚤世四女兒俱發均濟撫其遺孤不啻子
也事寡嫂如母自五服外內至於姻友無不盡心
經紀使脫于寒餓脩德之勞無懈月日至其所爲
睦宗收族消釋釁難有難以告語人者蓋均濟側
怛忠至主於成人之善先輩有唐彥思周道通兩
先生久湮沒不章均濟表白之錄祠祀焉在邸日
輯本朝大政及奏議諸書予時借抄閱之所臚語

者是也又姚母狀實出予筆故云觀均濟讜中語
不忘天下與不忘其母可以知平仁矣使均濟無
歿又使蚤一日拜命所建白必有當人意者他人
嘵嘵溪刻走名位日以鯨起忠至如我均濟不及
領東臺一日之命以夾嗚呼均濟諱道行卒於丁
未閏六月八日距生嘉靖己未七月十二日享年
四十有九初娶下處士采女繼娶何遊擊良臣女
卞生二子欽銳皆庠生欽娶萬文恭姪主簿哲女
銳娶徐文靖孫茂才紹洲女何氏生一女許陳御



史于廷子貞裕側室王生一子鈞聘潘中書廷珪
女孫二人源澂源浚孫女二人將以戊申某月某
日卜簾額之祖塋啟卜孺人合焉子欽來乞銘始
均濟訣時昆明惟予在銘之莫予宜也銘曰
需次國門羸得虛銜十年之內數往數還往亦勞
止望淮而返闕不再臨足不重趼子既大歸目論
曰容世盡容也就爲本宅一氣不承七尺皆虛華
纒黼裘終歸一區虎邪實邪主耶家耶子實達者
又奚盡耶

表


四川按察司副使進階亞中大夫資治少尹
任齋趙公墓表

萬曆十一年 車駕謁 山陵中貴人騎而從所
需芻橐于部焉仰給而時河津趙公新拜戶部員
外郎領其事不宿而備爲畫一域止中貴人域以
外母得闌入按簿次續給訖無譁者輦下咋舌才
公用公管九門鹽法未幾督遼左餉大將軍李公
成梁數出塞金穀應手士馬飽騰歲捕首虜獨多




多公之功會有議開牽馬額度諸乘障者額實廣
寧扼塞處公固不可後數歲虜果道此螫內地而
公故久州縣其在獻也疏源醜委除積歲之水苦
在禹成州志與建治前鐘樓皆賴永遠所在專祠
之及爲部又愈以有蹟于是人人謂公可任事宦
勞二十餘年尚然一郎吏殊不以爲宜乃陞公四
川按察司副使備兵川東行大用之也而公尋以
病告予致仕歸矣當是時年四十二耳又實不病
于是天下人贊嘆公收身之蚤而皆以不竟厥用

爲公恨惜也公以戊辰進士選知青州之益都甫
任貶河南布政司都事徙知揚州之江都丁繼母
憂服除補知河間獻縣遷知開封之禹州歷一州
三縣拊循勤密而問遺厨傳之數率從簡疏與人
處爽豁詼笑無不滿快者遇貴官要人顧無所遜
辟初選歸道大名大名兵獻欲交公驩接待不以
禮公不爲應撫在道誣論竟坐貶江都多大賈諸
方下第舉人索令書爲重逋飽金錢公一謝絕不
與通其後以獻縣上計而前舉人仕有顯者嗾吏



科中公四跡之無所得毛髮過然公亦以守職不
阿援之者少以故最縣課屢也法無不內而公顧
以州徙迴翔滋久才局操節凌厲彌明亦既有知
公用公者矣而公顧浩然以歸公旣歸治一圃亭
郭外榜曰閒閒携知交觴咏其中或課親故子弟
舊業又二十餘年公府有司之事不與性篤至凡
平生賓從友師無不曲致其厚嘗從父順德有順
德師後老以病矣公遠道謁拜牀下經紀其家而
去在里事衛先生先生卒於三河而公時爲禹州

設位哭奠歲時起居先生夫人而以女字其孫凡
公所爲篤厚皆此類也公諱某字某號某有子曰
用光官翰林院檢討辛丑覃東朝 恩詔進公亞
中大夫資治少尹而檢討以奉使歸觴間里祭之
明年六月廿一日卒於家享年六十有五明年正
月十六日葬於紫金山祖塋之次山陰王相國爲
之志銘始公與王公同第試館職同在選中以踰
額罷王公之誌公曰仕不應歎淹退不應獨蚤余
甚覩顏于公於乎自余所知聞立朝歸田完功行



終始如王公者可矣猶以爲愧公王公之言可思也世圓捷善走赴與遭延塵糞至死不博山園一日之樂者其以視公何如哉則如公者其可以無表乎哉

贈中憲大夫曾公暨配林恭人墓表

公諱文庸字某別號某莆田人今南安守曾先生諱某之父也萬曆三十一年吏部上南安最天子褒嘉之至推崇其父母於是公自前贈承德郎南京戶部某司主事進中憲大夫南安府知府母

林進贈安人爲恭人會又 覃東朝恩並前母吳得贈恭人屬臣賓尹視草 詔至南安南安守稽首拜受遣焚其副墓上已馳訊賓尹曰以不肖之辱知吾子子又幸而當 制數聞知先人也先人之隧虛且久莫吾子宜蓋時公與林恭人歿若干年葬亦若干年矣公以一布衣終於家而莆之人追念之至今其父老教其子弟所以恭友而仁讓必引公爲法里有大興作大故必曰才如曾公乃可肩此矜寡孤獨之人困於寒餓而無所歸呼皆



曰自曾公死吾儕無以必命學子之貧不能具醵
管曰無以必業也公父宦於粵公主戶不以一縷
入臥室距家二百武爲先世竹居家廟延賓師其
中教訓子姓遠邇四來者饗簋共之去則猶以資
斧相給歲饑出穀以賑又粥諸塗有司聞之檄主
義倉開濟有法全活者彌多嘉靖丙辰丁巳間倭
氛甚急復以當道檄督戰艘役三年竣邊海永利
賴以爲備有海酋揚颿來將岸中一人爭之曰掠
善人鄉弗利頃果一酋墜於水遂還去後從他所

得首鞫狀其中一人爭者乃嚮以公活者也公有
仲弟賈而死以喪歸俗謂客屍入宅不祥皆諫勸
勿令入公泣語曰吾何忍泥術家言而棄吾弟於
外不祥吾當之弟覩竟入閤門亦竟善利凶害公
性警敏好諷誦詩史說大誼其於孝友蓋性至也
兩恭人先後象之闕以內和愷備至一姒誕而凶
林恭人爲請於公分乳飼之公年若干卒於某年
月日林恭人年若干耳抱哭之慟三日而從蓋公
之孝義刑於家推於邑黨遺慕在後人而不展之




業在其子今南安先生 綸省所贊具足風也先生政事文章出時宦學者遠甚賓尹每一侍先生飲其清醇輒私論以爲今之人無有不知其父視其子後之思公者師生先生焉可矣公有子五人長某次某其三先生也次某次某其葬爲莆之某鄉某原吳恭人以先卒葬不附餘在誌傳中

譚先生墓表


嗚呼此賓尹師也賓尹自爲諸生得所爲訂奇編者手之日夕不忘明年甲午先生以京山諭分考

應天舉士十一人賓尹與焉其冬裝赴會試矣而有徙知商河之命商河故盜藪先生之爲商河也信心據事法行禁止宿盜殄絕紀錄者二連薦者十三章矣竟爲人所嫉以罷旣罷臥三年猶用考功律逮訊多官覆覈之卒無所沓也然以是奔走顛宕輒數歲雖奔走顛宕而先生意氣勁健不少挫通脫自如嘗曰吾道如是吾自知勝人知也年六十一萬曆三十三年周一乙巳六月十四日卒於家先生博學工書精深玄理爲人坦豁廣顏豐



而是時祖黨所布口已斥都下恚先生者既嗾之歸矣越三年大計猶用盜黨蜚語嗚呼殲不制之賊安通國之民功耶罪耶國家考課之法不以核功實而代人洩忿先後十餘輩賢明之薦牘無一足馮者而宵小飛刺之足憑可怪也先生重來濟上民吏擁泣爭奏酒殺先生爲人酌酒歡遠近乞書者踵至濡墨伸紙日夜應不休賓尹貽之函曰筆可瘞矣先生不荅亦曾不以被事之故分白語人嗚呼若先生者其識量深遠人可得而榮辱之

耶先生姓譚氏諱曰選字衆父別號虛堂遺一子朝訓先生死而朝訓自爲云丐其鄉長者丁石武先生爲狀數千里赴賓尹屬之表其銘石則曰將求之相國張公公吾大座師也又皆新建人自戊戌以來新建罷相商河逮後敢復有任事者矣而賓尹洗沐在里尚爲豪黨所弄幾死世路險悖忍竟言哉往聞之人先生學道精至嘗獨坐夜半四山皆一白鶴翩躚如月中舞故嘗自稱月鶴道人與其季有玄草行世觀先生平生與所著書豈無



TIFFEN Color Control Patches © The Tiffen Company, 2007

Blue Cyan Green Yellow Red Magenta White 3/Color Black

得而然哉夫果先生而有得乎此則亦無所憾乎
彼矣

脩菴文稿二刻卷之五

宣城湯賓尹著 金谿門人字帽寰校梓

行狀

海豐知縣補祁州判官四明葉公行狀

春卿葉君卒于祁州之官其家人弗從其伯子長
春方以太學試舊都同官爲檢遺橐書帙之外壹
物無有與士民對嘆泣悉心歛之年友知交之在
北者謀錄金以資其南越月而孤長春來奔以君
之遺命屬同年朱元介銘而賓尹先之狀嗟乎春

NATIONAL CENTRAL LIBRARY, TAIWAN, R.O.C.



得而然哉夫果先生而有得乎此則亦無所憾乎
彼矣

脩菴文稿二刻卷之五

宣城湯賓尹著 金谿門人字帽寰校梓

行狀

海豐知縣補祁州判官四明葉公行狀

春卿葉君卒于祁州之官其家人弗從其伯子長
春方以太學試舊都同官爲檢遺橐書帙之外壹
物無有與士民對嘆泣悉心歛之年友知交之在
北者謀錄金以資其南越月而孤長春來奔以君
之遺命屬同年朱元介銘而賓尹先之狀嗟乎春

國立中央圖書館, 臺灣, 中華民國



卿記春卿飲我雄談笑精氣王甚去此非父也面
滿于盤身肥于瓠髯如戟語如屑依然聲視間而
竟已矣嗟乎春卿君諱維榮號四明浙之慈谿人
世傳楚葉縣尹之後其居慈自宋少保石林公別
子某始有某者登永樂甲申進士再傳爲庠生潮
嘗還遺金數百人頌之蚤卒其配戚年廿一耳有
遺腹忍以無死生子名秀娶婦潘君之父母也君
生而有異徵祖母喜曰葉氏復矣夫凶人持此以
老讀書數行下旣成誦終身不忘始治易侍御養

虎馮公一見而異之改授君春秋甥之以兄女爲
諸生最有時名同輩中視所把臂立語爲價數百
里外擔篋師事多翔貴者一歲遊都下卿從皆折
行位願爲交或招致爲重客年三十九始舉于鄉
明年壬辰以乙榜例授山東平度州學正乙未上
春官爲思白董太史所賞魁春秋會館選一時羣
目之君握手笑曰老博士固逐弟子隊乎不赴明
年選海豐知縣治最東粵辛丑再上計矣郗者無
所脩猶指諸生客貴官誣致之用考功例奪一級



上疏願改教不報癸卯補判祁州君平生博極羣書爲文操筆布紙數百言立就自其爲諸生時郡邑徵者踵相繼而未嘗壹頰首其門蒞三官兩臺監司餞賀之文地方興作碑誌無不出君手各以不出君手爲不當意教誨州邑弟子曰無如某老儒矣日與解訓經義如都授時捐廩給筆札月三爲課獎其尤秀者笏邑爭來其在海豐置義田閣尊經復科舉原額舉行鄉約製四言歌及書善惡報應以諭粵人傳之至今蓋君之于文于師其素

長也而又有政事材縣三云四負海羣盜出沒大洋中市魁公爲主減居民寧被盜不夜聞兵壯不敢捕公心計之此不一太榆刈不足安民始佯爲無事者然密推跡盡知其根株窟穴所在一日擒其首張大總二總扭之方過市徑於市人郭遂江家搜得贓物次第窮究共百有餘人皆寘之法有黨積于鄉者號五虎二十八將吞食村落良父君一日提兵壯若他往者聞至其處盡縛之一郡震洗益嚴保甲連坐賭博之禁少年惡卜無商販作務




而鮮衣遊行者悉籍記罰之地故產斷腸草俗盛
氣服之以死輒告殺傷株連不可算君爲立約凡
自盡者倍坐其家更令民得納毒草贖杖曰務盡
此種母令愚民草菅其命陳某者富而恹憐某兼
之畜一病丐往相許隨椎丐者死丐蘇而逸也復
拾塗葶君廉丐所在密致之及訟時出丐而賺者
伏辜其摘伏多類此爲政務在垂利久遠不獨取
目前效也營橋梁驛舍增槽馬清役隨所設施
有條理其判祁州也攝完縣匝月而完人擁之幾

不得發其用考功例降也道然曰吾不以官論而
以青衿吾爲青衿舊矣甘之歸易湯山一小丘顏
其門爲青蓮洞嘯咏其中曠然自得後爲親知所
彊以出非其意也舟行半歲而抵都士友喜君復
來相與爲社唱和累月稱盛事云緝前後著述曰
詹炎集者若干卷舟行所過多感慨之致觸事成
咏曰浮家小草未刻者若干卷其慨及時事也曰
邊疆以敗爲捷廟堂以賞代誅輿言以黑成白人
才以鉛爲銛其憂稅事也曰人還爲虎虎復爲人



其于天官星土律曆諸書無所不考抉及精微所爲山河大地與潮汐諸辨皆斷以理信而可徵具在集中居嘗謂作人不可有貴介氣作文不可無貴介氣最耻今之勦襲爲文與講學者而在海豐與楊復所先生言學又最合其於忠義孝友非勉也連遭祖母父母三喪貧無以爲具必稱貸治如法遊必告先墓初第即疏祖母節獲旌褒在官申請孝節爲急曰此所以勸海豐有五坡祠文信國勤王地也急葺之治縣五年以前後兩直指督告

去不終奏薦滿考不得贈其兩人爲憾卒之日無所屬它事獨以君恩親恩未報爲言有二弟自束脩及官祿所入推使共之无私其子每出入洒飯于馮侍御之墓呼曰馮公知我卒于萬曆癸卯七月廿一日生于嘉靖癸卯三月十三日甫周一甲子云妻馮氏侍御公姪女子三某娶某孫七某聘某方君少年名譽遽起才力有過人者使蚤致身從事亨通之途其奮樹不寧止此然欲老其身於文墨得乎君以文得名不能不爲名使供世須大




志所欲就不必盡出也使進而蚤母舉業相溷或
退而名山大川之堅顛力所就又寧止此乎雖然
世路不可控揣而文章一道不明于世也父矣即
君更數十年亨通能自爲不朽其用君知君亦安
能必有以加于此然則君其可以無憾乎試以質
之銘君者


吳母姚太孺人行狀

吳母姚氏宜興人夫曰贈太常博士吳公某子曰
侯補吏科給事中道行公旣娶嫡夫人張有二子

矣而給事弟妹生母則取嫡夫人二子左右手抱
哺之而以其間乳已生子啼輒隱匿之他所不敢
以煩公夫人也每食必先食嫡夫人子每衣必先
衣嫡夫人子嫡夫人安母恭謹滋德之霽貌降體
深接以溫惠終其身相好如女兄弟里門聽聞者
莫不嗟頌傳至今給事稍長曉事公以得之晚不
苦以課也母則朝夕督有法時前給事曰吾於若
家分不稱婦吾所自得爲婦與不得爲婦視若成
立不也給事日占牘行多少母眉面與之爲開歛



餐以減增給事以是力苦成學行由選貢連舉自給事舉也用三甲臚傳官太常最得贈父與封其嫡母矣辛丑 覃東朝恩 詔三母並封改官未實授者憂制者俱於任日補給而給事以最選時持嫡母之服居頃服除尋約裝道行幸以一命報母於人臣子滿望已明年母登八袞鞶鞶奏酒爲詩歌賀者疊縫帙牽書姓字半中朝之人明年年八十一乃卒於邸初給事念母老欲以終養請母曰前三年與若往還都城今遽憊耶且需若成立者何耶給事伏地諾會聞 恩詔亟將母來母以乙酉哭公嘗病肺後以給事舉心志差樂老而轉健卒無病卒也與給事候命者臺省共十餘人歷數歲不報母且革給事扶而坐第呼累汝累汝卒之日公卿以下臨吊車馬隘通衢於乎壽也且康貴富之所不必擅也名公達士之寵施窮一甲婦無敢望一焉並是饗者難哉難哉蓋給事之喪其母也頓跌號曰天乎兒來以母也竊俸養不得生邀封綸不得母來以兒也失願于首丘於乎觀



TIFFEN Color Control Patches

© The Tiffen Company, 2007

在廬在門之轍與巷居孰多卽母往督給事豈自
度計爲吳婦有今日也故朝長者謂吳子也孝吳
母也福將扶櫬以南謁座主周少宰求銘石焉而
使同年友賓尹爲狀母生於嘉靖甲申年七月二
十八日卒於萬曆甲辰年十二月十三日子男一
卽給事君娶卞處士采女繼娶何遊擊良臣女女
一適貢生尹伸先夫人子二道宏南俱前卒孫男
四長欽府生員娶萬次銳娶徐次錫聘潘次鉞聘
茅孫女三曾孫一曾孫女二俱欽出卞地以新阡
篠額之原卞期以某月日

龔母趙太孺人行狀

龔子仲友旣廷對守庶常之明年而母太孺人
卒於家所具歛含事兩弟在也計來聞龔子哭不
賴生曰天乎三益獨非子乎且吾羈者何也而背
吾兩人先後以之乎蓋前是戊戌龔子甫畢試心
忡忡動也亟晨夜跣歸然已不奉易菴公訣矣逮
是計母焉其不及訣復如之故龔子悲獨至也易
菴公者病痺數歲矣而力趣子公車曰若弟第吾



疾當已龔子惟是難父之命覲身之第以起父耳
迺太孺人康食不病年又非老故龔子悲獨至也
太孺人趙氏郴州學正雙湖公沅之女而易菴公
之妻易菴公之爲諸生也記誦廣博經子史熟複
于中口舉若注一時學子伏其門下多貴去而公
竟諸生以老公不得志益豪酒每試窘太孺人輒
治良酒引義命寬譬之及龔子首南畿太孺人飲
公曰終不負乃公公喜甚爲連浮六 舉戊
戌廬居太孺人曰有父所遺書可讀讀

館選太孺人亟以豚酒酌公涕與俱漬已太孺人
數乳女姑錢老矣數念得孫顧甚難太孺人太孺
人揣知姑意潛脫珥置一姬易菴公歸自學舍飾
以進公驚詫跪告母遣之公與太孺人此舉人以
爲兩難傳頌至今亡何連乳男子者四姑錢孀且
父上自鐘粥微逮唾涕察氣伺色靡昏與曉錢入
十以終一切資辦皆太孺人乎須而簪佩之遺則
壹推子王氏姑勿復問哺七男女所畢婚嫁與膏
脯之費無不斥自手指中者易菴公豪於酒主四



方之客方員遞給平居佐施無愆容至其身食糲
衣直迄子之貴不與易也四男子長卽吉士君三
益次三鳳三浚三觀益娶趙鳳娶楊浚娶陸觀娶
徐龔子曰母太孺人以己丑疫也聞見幾廢者十
八日謁巫醫而應幸無恙自遭府君之變時時作
兒啼會益迎養堅不肯行曰吾安汝父墓祠雖勉
力食察其中滋戚也已又喪仲鳳已又喪陸氏婦
所損耗多矣嗟吾母差五母太孺人生于嘉靖庚
子十月廿六日卒于萬曆壬寅八月十四日年六
十三計于九月某日龔子設位哭自相公以下臨
吊奔于菜日走道迫頓趙氏婦在室失調竟病死
其葬以其年某月某日易菴公之兆其志石雲間
楊先生任之而不佞次之爲狀

傳 鄭贈公傳

鄭贈公某字某蘭谿人也父某號蘭崖鄭公自號
少崖鄭公父有孝行母疾篤終夜露禱必殉之鄭
公憂惶無所出曰萬一王母不諱者父不生矣見
安得馱存四走謁醫現殆盡最後而逢一周醫者



立七劑投之立起君子謂鄭公父子孝感也鄭公少而豪舉從里中飲小失鄭公父操家素嚴大杖逐之鄭公避立寒欄下私持母踵且啼且悔誓母爲曲解乃已終鄭公之身遂有飲限不敢踰鄭公父嘗患癰鄭公親爲舐瘡平生感激周醫曰此生吾三世者也嘗估宿州積算緡僅售一絹裹而歸急以爲周君者壽而周已物故婦亦他適取所裹絹置靈牀前酌酒畢焚之大慟而還客宿州時有方堯佐者隣人子也同旅舍患疹以頰管理衣水


檢所餘資斧封識之視歸後堯佐父母老窮養護終身無缺朝夕鄭公爲人孝義有氣力好踈金錢急人人有不平事身擔當之必爲白發閭里宗親視鄭公意氣所嚮趨走周旋無後者里人朱宗功以誣逮令持之急鄭公將以身請衆感憤共白令前事得解鄭公雖布衣年少而有長者之稱然竟厄于年僅踰四十以歿遠近哀思之至今鄭公旣歿董父母尚在子弘道孤幼諸所爲終始頹仰一趙孺人能也趙孺人者名家女與前卿太常者爲



兄弟鄭公家故以義落及孺人寡居生計益感日夜紡績取直自忍饑而削鮮腆進御舅姑舅意有所不懌輒長跼因姑以請曰婦朝夕之不能供失驪大人耶宛曲承事必色霽乃已弘道旣舉于鄉持一縑奉孺人孺人不御也自我爲爾家婦爾父無所私衣食吾一布被十餘年線蹊橫縱小子始進而易其初耶後弘道每有所獻衣畢笥之時以給隣發矣而其持舅喪歛飯之時必脩曰寧小子貸爲之所終而父事者莫此大故鄭公歿而孝義之聲不衰弘道成甲辰進士爲徽州府推官有最績得贈鄭公如其官贈趙母孺人也

史湯賓尹曰予友鮑山甫潘景升時時爲言理公也理公治行冠南輔忠愷正直有聲本之則孝義是焉語有之不忍於其親者未有忍於其身與民者也居官乘勢之全活人也萬於布衣其旣人也亦萬之鄭氏世有孝德及民宜也夫景升爲鄭公趙媪各作小傳以觀予予得論次之

南母裴太恭人傳



太恭人者裴氏叅政慧之曾孫醫官承祖之女贈朝議大夫前山東叅議陽谷先生軒之妻而翰林檢討師仲之母也南氏冠組望渭上紹興觀察兩兄弟後先成進士俱著名字而叅藩者觀察之子起家庶吉士歷南北銓郎蜀楚齊諸臬在所有風槩秉正不阿語在志傳中叅藩之子四人皆太恭人出長學仲以舉人判懷慶次憲仲以進士令棗強而師仲官檢討其以吉士起家與父同方是時紹興有孫企仲官銓郎尋陟冏卿南氏兄弟再著

而地望逾翔棗強子居益又成進士皆太恭人所及見也自太恭人佐叅藩學仕相與歸老躋大臺步啖安健親見四代衣冠文雅甚都然自其勝婦以來中所遭事更變茹苦攻劬之狀亦特甚始觀察與兄紹興共著交友愛也紹興背而范淑人嫠三孤尚幼後皆爲諸生天而獨冏卿在腹懷慶棗強與季諸生相次謝四人者折其三矣又女者二又子婦者七居益尤在乳熒熒范淑人之抱冏卿也日夜啼無聊太恭人所爲晨昏伯姑寬之百道



不啻如事其姑李也繼李者爲王夫人性尤苛急
數求多太恭人所爲晨昏者揣氣察色宜之百道
不啻如其始事姑李也居益無母以太恭人爲母
哺藉携扶無休暇逮長娶婦彌安之甚姑李有所
遺甥女女之一如已出又爲貧弟三女擇壻俱于
我乎奩而時于王姑所遺女也者卹有加人謂遇
繼姑苛者無迂難矣歿而卹其遺爲尤難先是觀
察與李之亡叅藩皆不在側諸承事湯藥飲舍之
具一惟太恭人卽叅藩在側無以加悉也凡太恭

人任婦任母勤苦博倍常戶以八十餘年之齒關
南氏之初終叅藩于宮數輿蹶其與也太恭人無
色華蹶也無愠後從師仲養來京邸曰吾老去此
四十年矣猶得再入甚幸街巷蕭索似不及曩時
第不知官路之白黑人情之醇瘠何若耳諸所閱
身世之感數前子孫誠念之問卿以言事謫爲民
將武母而西太恭人吁曰驅車之時事何爲者吾
亦欲妯娌俱西耳其年師仲 封慶藩便道御太
恭人歸歸五越月而太恭人卒于家



史湯賓尹曰余與子興同年同官得聞太恭人之言多事不如省事勝人不如讓人懿哉行身之準乎他門胄顯者率多堅肥自好上矜栩南氏悛悛循謹自如諸以謹厚世其門者勉傳斤墨幸無過而南自紹興觀察以下官行跌厲可敬良又皆嫻于風雅由太恭人訓行推之所漸濡遠矣

杜太公傳

杜太公者名時騰字冲之號孺懷松江上海人也公生而儁異四歲時與羣兒嬉塾師所一童奴學

書者紙尾署某生笑禡其筆易以其童塾師驚起坐是兒也異必大杜氏一日隨父樂川公戲竹林中樂川公偶自占風擺竹稍颺鳳尾應聲曰日臨花頂晒鷄冠樂川公驚喜摩其頂是兒也異必大吾杜弱冠籍諸生尋食廩文價騰遠謂且莫必第也顧不第嘉靖戊午甫舉于鄉時年三十四矣累上公車不第就石埭教諭再上再不第於是有山東黃縣之命公之始涖黃也歲大旱赤晝跣禱雨立澍有重繫七人其二人者情疑歷多官無爲白



者公至反覆推訊竟直之黃人至今額手道其事而公固以潔洗自將與正人居投合無間接遇若平生驪與臧汚人處不終朝不能圓轉迎合前石埭令弗好也既徙縣來朝四跡之無有誣以重聽池太守喞然曰人不亦各有耳耶爲裂其牘以全居頃之復不得意于登守守多心計構其鄉之爲司道者并嗾之竟拂歸歸之日士民雷呼扶老牽幼數百里擁送泣不忍別得民如此公旣歸嗒然喜曰吾還吾矣杜門掃軌手一編不輟自五經諸

子莊騷左國周禮衍義性鑑諸書皆摘錄一遺數

與諸孫商品時藝遇

意者手自錄

如諸

先是顧舊人甚嘗竊笑之老猶赴考耶科第可再掇耶而公逾惛惛不休年八十猶日作蠅頭楷可五千言性謹敬端慤于孝友篤至自性父事伯兄母事嫂有兄時官者無子割中子後之少所贊事秦先生翁先生翁期年別耳後人數輩連館其家倚爲常主秦先生歿矣家日落以緩急告無不曲與周旋士黨誦之子三人曰宗翹宗彝宗端翹封



刑科給事中彝夷陵州知州後其兄時官者也端
文采翩翩試舉子業不利輒厭棄去而翹所生六
男子士全士奎士基士恒士吉士雅彝五男子士
重士望士立士肩士企端一男子士式全乙未進
士今為刑科給事中某甲午舉人奎恒吉重立肩
企式皆生員望監生始公諭石埭時中子彝從子
獻藩長子全南北鄉書齊舉公喜引滿醉明年祖

系九弟齊入

傳為盛事其後

奏大治最封其父翹

彝最崇陽

移封所生並 恩綸焉公北嚮伏拜已前兩子曰

吾父子一介書生再沐

以儒起家

衣冠逢禧鏤子趾克大其

三


子十六孫二十餘曾孫中外

天豈不

亦奢勉哉仕者良於仕處者良於處耕問奴織問
婢母溺職分內生事分外以賠君親羞勉哉諸杜

志其言藏于家


史湯賓尹曰甚哉溺職之一言也潔躬愛民吏職
披束奏讜諫職綜今古通天地人儒者之職窮理



盡性至命生人之職夫職容易盡哉一寬念于職之內斯百營慮于職之外紛紛之路岐而不肖之心生有以也給諫挺正不阿能其職矣予于給諫孝廉同甲乙舉視太公猶大父也故聞其言爲詳初給諫命予誌石會先有任者矣予爲撮其大者傳焉作杜太公傳

睡菴文稿二刻卷之五終







國立中央圖書館, NATIONAL CENTRAL LIBRARY, TAIWAN, R.O.C.



3485197 v4



國家圖書館, NATIONAL CENTRAL LIBRARY, TAIWAN, R.O.C.





睡庵二刻詩稿卷之六

宣城湯賓尹著 金谿門人李曙寰校梓


新正羅伯倫齋中分來字

三日不出戶佳人此接杯茶鐺生氣語雪牖抱光
來興與燈爭力詩因酒限才一年新霽夜星火照
喧厖

玄象山館有集杜一冊有詩草六冊初余讀

集杜不知其為杜句也及讀詩草不知其


非杜句也詩愧不能擬擬集杜以頌之其



國立中央圖書館, NATIONAL CENTRAL LIBRARY, TAIWAN, R.O.C.

卷之六

先月樓藏板



變化不及則已遠也亦以明夫學唐者出於玄象則玄象出於睡庵則亦止睡庵而已


詩家一標準略地兩隅空聲吹鬼神下光輝仗越雄百中皆用壯絕景與誰同今夜文星動青熒雪嶺東

拔劍發年衰生逢酒賦欺衆中見毛骨行路洗歎斧操割紛應手開懷無愧辭競將明媚色拂匣照西施

墨客藹雲屯瞿唐爭一門詩書遂牆壁鬼物傷黃昏氣得神仙迥情依節制尊大風吹地轉壯士歛精魂

諸家憶所歷消息苦難真嘆時藥力薄闕下受降頻駮驥人得有風雷肯謂神彌年逐清景彷彿識鮫人

天意高難問南征盡跼殘生逗江漢無計斲龍泉畏虎不得語寒花亦可憐中原有兄弟爲我一潜然



送南太僕罷歸

併以平生淚臨行轉顧天孤臣元自苦美詔想能
堅輦下開新路河源濬古泉明時甘老去躬種渭
陽田

風物亦難料田園君得歸廢興時也命朝暮是還
非老馬堪閑瘦輕鷗欲伴飛琵琶何處語昨夜譜
明妃

甘君恩重單危強負戈爾情嫌報少人意轉求
多雲駛遙添獄關行側讓河古詞存棄婦今代

長歌

曉鶯啼復啼春閨草俱齊舊興餘牽馬他年信乳
羝人如明月遠家住華山西好取身將母 皇心
識縱麀

寄成爲倉

笑傲雌雄劍悲歌羽徵聲年來幾鬼物樂事似他
生瘦骨經風透孤身傍月行猶憐兄弟在意氣兩
眉橫

以我生還後思君傾蓋初論心偏自密衛足一何



取履詩卷六
疎百恠天雨粟三言海大魚頻年多史冊魂折不
堪書

何妨強項今得地已身拌獨有冥心客高天欲問
難避人南北屐投老是非壇歲與流波急憑君習
水觀


送曹能始

瘦行寡所適懶性與君便記得分帆處江波思渺
然重堪京似驛轉戀日爲年後夜清齋伴相期枕
月眠

又向南中路間官有老資吟懷日以富故意乃毋
宜吳越討應遍山川付與奇畱君無計得抄取一
年詩

壽曾喬峰

醉君園亭內君歲如我今而我甫弱冠力量方峻
嶽亂擊鐵如意倒卧梧桐陰其日氣吞海江湘不
及斟喝來幾長安鬢毛塵土侵拱揖角搶地杯棬
力不任昔日跳叫漢倏變爲啞瘖回頭十五年往
事陸以沈而與君共者歲寒松栢心雨花好樓臺



秦淮盛鼓笙君更五十年寸寸地追尋傍石兩梧
桐不改舊森森爲我置一榻可以寄孤冷


送南子興

經云太華山四方而削成落落不可及有如南子
興高者南之韻瘦者南之形左輔王祭酒詞賦凌
西京我輩尸祝之今也遊其甥冰玉價以齊力量
無觴傾昔我登西嶽逐望多美雲王氣在玄象滄
然張精英地脉巨靈開斯人乃踵生

盡終日牛背眠草水墨文餘看子駕渠黃生騰周
八區不如化爲蠅託子以微軀

弱羽帶箭來風雨無乾翎眼眶血模糊右左驚虛
桴在雲恐不高在林恐不深一身兩身贖昨夢今
夢頻四顧弟兄間脉脉含中情

走馬趨北風露面駢泥沙十道馱金錢輾塵日以
多事繁論亦碎百舌鼓呀呀月光不到地愁絕中
蝦蟇我絲無所吐心如青鼠瓜進而與子謀子拜
問大家前此四十年風景夫何如



一歌將進酒二歌月重輪三皇皇者華四步出夏
門錦服傍魚軒夾路山溪明憶往觸西事集句撥
不平今日傳 天書萬里驅風生上馬醉蘆酒鞍
劍懸蘭纓杜句與韓碑千載足崢嶸


天氣漸炎熱感君如風薰所以把別盞斯臾未忍
分送君願景緩迎君願景適天爲設佳兒亦得月
餘留幾回牆頭月爲君沈且浮與君相見時令子
辦拿

送黃太僕 冊封荆藩

親函銀詔出朱宮一道飛髻曳楚虹宗子介圭
赤社 君威節帶青驄行遊江腹連恩闕造上山
眉與帝通爲語皇華多貴從駟詩三字蓋諷風

讀柯母懿略

自古以至今容賢抑何難智非自愚割貴非由賤
捐彼我各頭足服食本不好何爲今古人嫉媚遞
傾煎共爭在天地天地亦云寬而况於女子所爭
牀第間寵辱眼光中相憎固其然宜乎椽木風千
載美無鄰態觀人間世夫婦乃交儂夫借子爲名



婦借子爲權忌制一以觸妬鱗不可鬚誰者生且
育重爲樹副勤有鮑有管子有皮有公孫身賢者
賢與孰與進賢賢簪珥脫不辭煦澤仍以溫及夫
所乳兒哺之過于生機下兒就讀股上兒就眠教
誨以成人保護以長年母乎非母遺兒安得有身
母乎有母遺兒忘身所因慈顏一以別涕淚夢極
倦回顏卅五年日夜聲爲吞大恩無以報泣歌慈
母篇教母子不食微子母不陳惠善亦何負持此
規閨門

送柯公明出守沂州

公明之言曰某不自曩選在監實蒙馮司成公
一言之譽今之得試爲州也猶以試菽受知澹
生王公然某文事之遇於此已矣吾憐其語意
似不能什然一旦者又久歛衽其才爲歌一解
以勞之

詞華久矣占江東東海于今表大風三尺焦桐音
似水一函塵劍氣如虹高懸樂石秦碑古下嫁才
人趙步工從此詩書供擘畫壯夫應自悔雕蟲



龍廉孺改敘

龍先令海澄

紅塵不染亦多時莫訝新盤缺荔枝迎送減來便
供佛簿書拋處好吟詩曾因海颶施龍雨曾見天
華覆虎皮人世詘伸君閱取茶鐺煙裏一枰棋

題畫

何處杳平波春環天半嶺倚峭發孤文和光溶于
頰倒景插花官鳧鴈雙雙帖遠心渺難卽拄杖指

丹葉

壽萬制府

露氣曉光凝盤山拭遠棧疾烽消塞靜永泰快秋
登金鉢瑩于燭銀河直似繩開亭宴諸部士馬肉
飛騰

萬里卧明駝前軍樂事多使風調鐵馬出月醮鈿
螺醉裏紛催鼓閑來約射蒹蘆笙吹處處大半是
鏡歌

越國歸來後降旗恣得收刺閨傳露板飲器漆骷
髏部舞多椎髻夷王解秦鞞最宜平野望沙磧盡
良疇



霽闊弓膠健陰森劍室靈嚴砧發鼓氣簇米晝山
形月落林猶紫蛟逃海不腥秋風如陣馬時復亂
流螢

回首東方事紛紛幾局某千年舊屬國命髮引絲
兒大將穿營日 天王賜劍時多君饒膽幹曰豈
以身爲


牙旗新晃耀礮矢正喧闐一洗鸞帆雨俄清蜃閣
烟龍荒迥白日繖海戴周天箕子如生在殷勤拜
馬前

太息安危事倚與將相難如公具命世文武併登
壇後又託從事先聲奪可汗誰哉貽我輩坐饗腐
儒餐

秋動潮河水寒風入箭痕看君歌舞日勤苦下壺
餐經緯諸公力生成 聖主恩一杯三酹地舊伐
敢重論

允脩齋中話舊

不爾能重會堪誰往事談惟來生馬角涕下食魚
泔凍色心猶悻悲呼舌尚含祇今一杯酒暗裏覺



酸甘

衆裡偏隅獨前時但影雙魄魂收北極升斗夾西
江尊動蛇縣壁沙寒鬼醋窻憑誰歌易水羽徵不
成腔

環山小隱圖爲胡伯玉題

每日憶山中相將付墨工雲容依壁卧竹路與簾
通酒禁開朝沐詩情索遠筒舊遊足追逐予在此
江東

何者爲朝市相看已絕塵庭前叅兩鶴月下醉三
人寄到鱗魚美趨來燕子新爲君歌四憶雲繞定
中身

風箏和朱元介

糊腔駕篋競高危笑笑人間鬪小兒無樣浮游驕
燕雀幾番荆棘入棠梨飽看颺去情如紙彊與爭
將命抵絲莫得風光都使盡春風亦有下場時

自鉅園八詠

縱到朝叅隊煙雲氣味存看君脩圃事只是種蘭
蓀



百花居

處處迎風薰等香競作羣不知花王所溪上相紅雲

超遠樓

風韻自超超乾坤箇裏饒登樓時一凭小恣日光遙

觴詠齋

噴出俱成錦將杯作餌鈎為君量口腹萬丈築糟丘

宜暑亭

塵去不關掃風來相對彈此中無熱想宜暑亦宜寒

獨笑軒

或曰在瓦甃或曰在尿溺此道已忘言先生稱笑笑

澹逸處

種藥那堪逸看山只顧濃人情偏自遠佳境不會封



朝與朝雲遊暮與暮雲宿君情無朝暮所枕皆雲
族

片雲石

劉百世招飲園亭同董太初沈太玄二丈分

得人字

一水通都貴遲光四月新貯齋全踞勝跌宕臚
春溪勢收深壯風痕掠浪皺貌天張膽鏡浴日轉
蹄輪以思趨丹籞霏霏切紫宸雲根爭漱玉石髮
欲梳螭蕩燕輕漪尾跳魚淺試鱸兼葭沿步質

鷺上堦馴圍曠惟酣藥漚開足飽蘋菜分宮
驕絕市頭塵近樹紛如揖透峰東若蹲嵌空縣塔
頂堆案列城堙萬雉齊端笏千章雜委紳橫門開
滿月高閣到靈辰朱碧連叢綬房櫳傍渚陳出林
僧送客隔岸鳥窺人堦堦平官柳蒲盧類女筠付
圖濃淡稱作幅短長勻傾蓋心期合延尊興象申
牽裾臨巷口攜榼下池濬摘乳瓶辭火登鮮鼎就
緜軟歌應密拍簡令廢深巡伴鴨貪眠味觀花悟
了因山川緣共愜雅俗語皆真幾處攢眉社誰家



折脚薪指彈來去現贈釋影形神靜引年爲日歡
忘主也賓各拈詩裏韻俱適笑中身夕照奇煙吐
圓潭薄霧娠餘情銘盍癡懶態側紉巾在吏無前
賞乘閑約後頰何當明月夜數夢卧江濱

顧贈公

宿草猶尋處士蹤雲裝烟駕想從容山中賦就人
堪卧柱下書來鶴每逢竹素一家藏匏史麻黃下
載耀芝封而今日月光輪滿波到南江濶幾重

贈林承甫太學次元介韻

圖中五岳望中賒藕孔長安壁角蝸擬試鷺頭香
截海行依鵬背負飛霞入時眉黛臨宮樣出篋篇
章鬪筆花贈劍似君書法是笑子執管但牙槎

送夏黃門使琉球

渡水島中島觀風州外州魚龍輸職貢人馬看迷
樓按節綏皮弁舒圭等粵甌天王恩數異之子
詫奇遊

衙從排風伯前驅誓海師潮平三嶺靜星闊四天
垂巨舸飛逾鳥扶桑望若薺舫梯知不盡應有象



胥隨

水氣圓幢似蓬壺墨點青天晴消颶母岸近卜蜻
蜓木汁充醯貴鯨珠代蠟熒圖書山海富好爲續
遺經

陽谷納 請告歸里

莫甚今年暑財回昨日涼只言聊註籍不道遂催
裝雲迥鷹辭架山閑密課房一途風景稱最美稻
花香

作縣抽身後居然悟息機評琴酬舊債納劍襲初
衣照月臨湘近看雲入楚肥與君山水約狎主黃
相違

喜沈士範登科士範爲君典先生伯子

朝來頻側耳鄉信若爲先擘見書中目幾成馬上
顛急從妻子道遍嚮友朋傳太史差能續英雄倘
自堅

天欲千鎔利經年水火多逢人財拂拭當境足婆
娑前輩生開面新郎滿唱歌鳳凰毛更長池上有
遺窠



吳長輿登科

千年老劍渾無敵萬石洪鐘遠有聲出衆色偏迷
下蔡解紛書始克聊城飛離海浪看魚大卸脫鹽
車見馬鬣累歲不降信屈事兩眸今日爲君清


吳給諫母壽

營得新豐到帝鄉朝昏兒女總相將門臨碧樹
看雲身身在清蒲與日長何處大官分壽酒綏家
機標出文章此時亦有思親者遙望江南數舉觴
過孫聞斯

懶散支離不自禁逢君班著強追尋乍生顏色如
看劍頓洗胸懷似撫琴忙裏過門須見面閑來獨
坐亦論心不知義象成何用一畫紛紛說至今

羅贈君

九華九十九夫容山乎桀秀人則鍾扶輿磅礴有
羅公羅公生長華之野顛氣鴻濛謝姚冶不挾金
賁走國中獨友石戶耕華下華下平田苦攻作歲
收三百應不惡庾盈爨熟閭里欣貧餓餓寫交爲
豪誰言種德如耳鳴人天聞聽聰且明不然華下



一抔土天子何由知姓名赫赫華綸照華野蕭烟
幾道環梧櫨河源積潤自崑崙汪洋直嚮中原瀉
羅氏之穀未艾也我觀庫部君人人以爲真長者

呂母節壽

秋浦江清清見底畫嚮人間字作紀一從寒月閉
幽窻脩閣多年謝鉛水三秋風入荷葉乾獨有藕
根抱蓮子絡緯叫霜斗垂地杼絲軋軋三更裏兒
今錦服拜明光應是從前母織累呂爲甲姓貴蟬
聯宗黨俱稱阿母賢母持門戶勝國士人間豈必


眉須全孰能似母健且貞四時松栢長青青九十
九峰看九華百歲筵開噉甘蔗

梅泉

何處西方有美人貌中風雪意中春尋常模索無
緣得忽漫相逢野水濱
寒水冷泠駐碧潭悠悠香韻鼻端參月明繚繞羅
浮夢合嚮其中置睡庵

爲楊醫士題卷和孫聞斯

車車馬馬逐塵紅我亦當年護病躬解說江南堪



用履言和
寄卧傳君有術隱壺中

往時多病孫郎共理藥尋醫好結因近日孫郎知
倍健鱸頭鼎畔倘逢人

送呂澄南醫士依韻

呂能詩有西山遊草

長安街畔酒堪賒醉裏矜期湖海涯屐齒西山成
近草歌喉北里擁如花形神酷似仙家呂道術還
同謙國華多病半生了謝絕逢君便欲日回車
檢點詩篇註難經思君別後見雲停春風行李移
茶竈夜月尊疊問酒星面色渥丹鬚髮白門庭無

恙水山青江南蘄北隨緣訂我往君來早結亭

爲周永明壽母

驅馬何年五色驄何年幡蓋鎮江東何年出仕何
年隱閒與兒孫話乃翁

上筐蠶子花間浴出閣雞雛稻後肥依杖門前閑
步步孫男孫女共牽衣

承歡兩兩自朝昏此日分身意可論乞得一章娛
晚歲畱將一管扼天門

鳴軋當年機杼音看君錦色勝黃金此行正嚮衡



耳庵詩和卷六
山道黃帝丹砂併可尋

許心陽南還

處處春風捉臂強一春兩眼悞流光明朝又道人
南去共與春歸作底忙

五六年來純是夢醒來不記夢來時
思攪似嚮官亭折柳枝

匣裏寒光吐復舍阿誰屠狗亦見男
方說誦與三行董邵南

轎畔央溝堪氣息酒間葱薤耐塵糟
多味夜半長吟閣瘦尻

不堪入市山中鹿卻擬歸田海上鷗
北路半生心事轉悠悠

尋常人說鄉心棘近日鄉人解厭鄉
四輩幾年行境在他方

柳細花肥驛路分臨行送想一隨君
長已無柰其中起白雲

當年龍尾刻龍形抱水含霞夜夜吟
守黑共相磨礪底般心

許文以
現見齋



長安車馬走炎炎生死交情糲蜜黏似我與君相
約伴只將青水點青鹽
航船殿齒百分空牛首燕磯久負公此約的應惟
隔歲憑君三盃指朝虹

送潘象安致仕歸里

少傅文章中舍詩齊盟狎主憶當時長城五字今
誰共供奉多年老固宜邱第數驚卿相換歸囊翻
耐賈兒欺宛溪正與新安接百人于尊有所思

明皇演樂圖

大酺洛陽城魚龍百戲陳永新方掠髮萬隊寂無

聲

十家齊作行拍得女媧瓢莫唱霖鈴怨歸來太上

皇


忽憶虞天子南風得意晨鼓琴二女果固有足終

身

銜杯非我馬刻檀非我燭底因供奉官亦奏清平

曲

送俞曲江之任兼訊鄧吏部



一夜風雨來滿城屋角囂壯士心慨慷臨別不得
驕俞鼻忽馬馳唐髯亦以遙誰知聚首驩乃爲離
思招枯身果無憑隨風東西飄當年文字戰似賭
盤頭梟手勢總不殊豈辨六與么下第卽下第折
腰卽折腰獨有心膽存白晝光不消釀酒拾檳榔
削牘剪紅蕉虞琴幾千年到君得幾調儒事較于
今分明此行饒江南山水佳我情如暗潮嘗恐再
送人孤雷不養嬌南海舊文部羣倫屬斗杓蚤晚
爲催裝穩我代漁樵

甲辰首秋卽事書段明府瑞粟卷六

雨之施物以滋今日何意徒放虐爲百晝百夜不
見天與日城無雷椽田無雷粒嗟我窮民生命焉
乞 天子費十萬金人不滿一文爲父爲母爲妻
爲子爲居爲食一文空剗終歸何極不如廣置循
良郡有段公邑有段公饑疲以起年穀以豐但願
天公雨禾黍不妨禾穗多于雨

別意

常言古離別萬感因別至及我當斯境一語不得



耳屏言禾
遂昆朋紛我眼感慨平生義得君如得劍夜行亦
生氣往日熱汗腸傍人都歔歔今日重送君不覺
落清淚

我行長安中晉送不成趣天亦尚憐吾君輩得少
住如何一日間倏忽東西去遠峰雲戴驛秋節風
吹樹蘄州亦以遐鎮遠焉知路朝與日光朝暮與
月光暮即使我分身幾處難爲步

張象先歸壽母夫人八十

富者窖金珠受饗不及身貧者舐米糠夕春不離
晨亦有屠沽兒發響不盈庭亦有疾王家作孽
及親麻姑雖得道不聞佳子孫孔孟豈不聖不聞
母脩齡孝子與壽母千里難以并捧檄而色動我
知古人心拾第芥不殊達士焉足榮所喜泥金日
當母設悅辰所喜致身時偏作錦衣行堂下跽奏
觴堂上朱絲紛耀壁光熒熒總是當年燈尋常照
麻績今夕照冠纓子曰依膝下一日薄三旌母曰
兒勉旃孝莫大揚名牛酒盛高會閭里蕭烟橫敬
亭若我容願乞殘雲英



壽于宗伯

偏以還山望獨殷
出山霖雨入山雲
拾來草石皆靈藥
課卻枰尊亦上勳
孤鶴一童生伴侶
八蠻九狄老知聞
遙瞻斗度中
台近齊向奎婁揖紫氛
閒披羽服臨仙窟
自著金篦幹化功
納履以來常拜石
騎驢相見共摩銅
一肩擔盡乾坤界
赤脚親行日月東
箇裏周還眞甲子
他年平格在其中

麻伯顧赴永昌衛幕

東南士子乍西征
送曲齊詩出塞行
馬尾寄將無

盡酒玉門關外酹班生


小時無計作清狂
賭勝從知射鴨強
今日鵲弓新在臂
好隨蕃將逐黃羊

黑山秋景靜邊樓
水膩芻肥馬不收
唱徹太平驪縱飲
羗兒羗父拜齊頭

金秀才還吳

望入江南杳靄間
雪乾雲淨野風閒
吳門白練今何似
只有行人匹馬還

歲暮春來趁虎丘
朝歌莫舞點齊頭
當年誤聽生



公法直到如今說不休

劉年伯司訓潤州賦送

其子進士教授順天

功名聊復了人間
儒與儒官總得閑
橋梓一時專講習
粉榆十里隔江灣
清來舌本中冷水
秀拔眉峰北固山
個裡春風堪入座
尋師我亦思南還
一瓊千載傍尼壇
更嚮何班齒貴官
危坐虎皮餘我老
扶搖羊角信人搏
閒中覓伴書爲上
身外無求睡最安
遙憶此時朋輩集
梅花拈得就樽看
賦贈杜日章兼致劉恩徵觀察

玄冠紅帔動成羣
韜略詩書徑欲分
虛左一時思將相
秉長誰合赴風雲
談棋罷後收名虜
殺賊歸來草檄文
近日得之鐫憲使
鎮中年少有如君
馬上傳來幾摺詩
就中離合見權奇
不言將種多能事
饒是文家亦可兒
盾鼻淋漓玄鬼嘯
牀頭光怪老龍窺
一毫端抄三千國
弓力如今施不施

題朱驗封壽母冊

處處覃恩沐
籠光滿朝封事屬
仙郎門庭紳笏無
端列齊向麻姑
數舉觴



三尺短檠燈豔歛照絲照麻照書點熒光一夕倍
分明對卻銀泥壁閃閃

朝霞羅縠夕烟鬟馥玉馨蘭吐若舍更與庭萱添
彩色春風葉葉佩宜男

為劉百世題米仲詔畫 時仲詔令銅梁

曾從鴈宕看龍湫勢似孤危思似幽山下亭臺亭
外樹省能如此鬱葱不

塵情勝景不相當莫怪桃源久闕藏此水此山差
不惡風流只合度劉郎

詩中有畫畫中詩摩詰元章兩兩奇獨圖出川超
絕甚憶君盤礴解衣時

劉家亭子儘堪描舉向何人筆似刀檻外天光臨
水發斗間王氣倚城高


社集城南

嘗安慵是病偶得醉為醒共燕新趨社看雲善寫
汀食單供菜甲花事狎園丁日夕猶依竹行行屨

履青

拂衣圖

今俱
履



白髮多
伴夫
他物似
操心
山

未必昨非今便是但言子貴我甘閑琴書老矣無
長物松菊依然存故山白鶴上嶺復下嶺青牛出
關還入關車塵馬足不得謝清風高節誰追攀

寄壽鄧山人

佳名動人間江東鄧伯羔有胸富如海有思洵如
濤有口吐如屑有手劃如刀北地亦以降濟南不
成驕壇場秦姓字衣冠矚斗杓曩我少而聞疑其
人已逝每恨生較晚不及與同朝王生今甫言此
乃今人豪崛起嘉隆間身存道獨韜開筐遊竹素

理徑隱蓬蒿築亭瞰清池池光與亭掃露花香自
滋竹風冷相敲五十以學易古銓今銓標猶傳問
世篇等世如牛毛絲綸束釣竿棋枰爛柯樵心靜
骨益勁地僻景逾韶上有鮮雲烟下有豐林阜白
日騎蒼龍玄言狎三茅愧不往從之一官真繫匏
頌言託王生聊以明仰高

別鄧田仲

三月長安雨謀齋似謀生半年棟選官望 命逾
望晴 命下百酣歌雲開萬祝聲嗟我亦何意戀



子成不平得命與得晴一夕愁緒并得命子當別
得晴子且行丈夫會有志致身各及辰嗟我亦須
眉而乃兒女情

華棖耀廣衢安不如山家珍錯羅方員甘不如茄
瓜豐酒濃於膠不如啜柔茶妖燒鬪牡丹不如嗅
梅花豈無車馬人于我莫于佳半生丘壑債經年
得子賒回首忽分飛孤行可若何不如覓雲林以
當子婆娑

送鄭駱思守括州

五馬乘轡日三錢賜詔時福星兼地耀汪澤與天
期吾道遭逢泰東南惠顧私奚囊多藥草特此起
瘡痍

常擬直班餘依君四庫書塵中多率爾別後復何
如驛馬當風駛牀蟲語月虛仙都山洵美恨不有
吾廬

米仲詔還縣

隨牒來朝者無君八月畱攜家便 帝里歸國後
諸侯乘暇催驪景逢人惜雅遊一尊相對意頻上



飲光樓

太息中朝盛珙琛集異方尚憐官折累堪憶戶輪
將青夢三刀路紅塵一騎忙獨流江似錦爲爾照
行裝

去後園誰主行間山更佳摩雲收造化拜石託同
儕秋健臨風翮天開積雨霏蜀門工作賦莫類長
卿俳

汪原博訪予輒還悵然賦別

日夕南北心來去紛于縵意外忽逢君枕魂交斃
息豈無桑與麻在亂不成緝豈無車與馬失足不
成匹本以林泉姿朝市終爲逼觸境無新驩懷人
有遠憶一片深山雲君來甫將得

長安十二衢朱門處處開多子長安行一刺不甘
懷心知萬里輕尋常重門隈我無豪家樓卧子以
空齋有風聲搜搜有雲色皚皚保此歲寒操期子
永無垂夜語落明星寒光迸窻來

地曠雪逾滿冷影射須眉對子適相當言共幽白
姿凄清復凄清子寒亦似之長安街道寬錯土陳



瑤璣匆匆人馬來須臾踏成泥所以與子盟初心
悔馬蹏

胡風一陣沙形影不相從何況燕與吳山川重復
重寒天一陣風毛鬣栗簾櫳何當逐長途快刀切
馬鬃一心數驛亭千言謹厥躬恃茲月明明流光
子懷中

寄謝劉恩徵恩徵見懷詩用予雪景蘇韻仍

韻次會

邊頭刀斗報纖纖雪色軍威一等嚴部曲行杯開

虎陣蠻重翻角譜烏鹽燒腥帳遠殷連寒畫米山
成簇滿簷使者旌旗雲外立受降城北露竿尖
官燭光中噪曉鴉魚河直北想行車遙同蜡日催
蘆酒轉見駝房拂柳花劍首定將千百國詩壇聯
得兩三家閒來獵雪牽鷹犬笑指銀泥畫戟叉

新正病起

理櫛曾何日移年已一旬睡功愁漸減病種劇增
新束帶應無力驅車別有人白門門外路此際定
游春



孫聞斯時過射所依韻

慵心齊卸馬密屋一圍春竟坐失長日相商多古
人窻空收界大樹老胃烟新獨此閒中意時爲子
所親

隔戶已無塵單居最得春擬身嘗在寺近舍恰逢
人學道莫如聞敲詩不厭新年來賞音處孤磬一
相親

沈司馬被言十二詩語工而意恬予甚旨之
步韻作如數用廣其音非僅以相慰藉也

細拾夫君過風流只課詩免塵聊復耳集議竟如
斯道以豐蒙辱知因窻得啜暉文三四讀功罪轉
多疑

何當胸戴甲幾處舌翻簧萬種味中味憐予嘗復
嘗負戈空誓日相劍鬱含霜往事如今說差堪校
白黃

但有心能遠何言宦不工品倫生後定謠俗死前
同萬事殘基裡千年數着中馮誰商得失遮莫楚
人弓



似我虛糜廩終年腹但便決飛安控地寬政仰如
天未敢僥行險明爲拙見憐照顏深自笑乘馬愧
屯邇

肩國勤桑土憂時切沸羹屢疏清禁衛獨計策金

城一木那支厦羣星總忌明竭來甘厭世魂夢亦

成輕

司馬有屯田防邊諸疏

白璧馬可寶青蠅善點汚孤貞道所戒柔弱生之

徒莫聽履霜曲愁看出塞圖著冠又成悔與子盟

樵夫

食豢自忘苦不從葵蠟甘拂衣聊得性漱石有名

譚世影歸浮泡名根坐大貪贈君雙白鶴飲啄待

蘇耽

若論生平業前賢亦以多詩書招鬼祟樽俎伏干


戈司馬下蠶室離騷沉泪羅黜官猶細事之子且

誰何

戶戶箠能操春聲鬪百勞如君堪霸社壯志直奴

騷大翼風衝起洪流石過嗥獨愁名見逼轉似毀

難逃



即日已成昨無端更覓非

鳥無

機竹素老亦得菰蘆深可依錢唐有潮汐時看月生微

題石摧和氏以金意不疑當其適未偶緘口難爲辭一旦開公道千年皆已知視今猶視昔爲子畱佳詞

宦笑車生耳行矜沐振冠烏翻綠樂賊雀豈以珠彈亦手逢辰易丹心後甲難江湖無不得只故主恩寬

萱圖爲朱元介壽母

拈來一草祝長生兩字忘憂合道情色借竹林依
大士春隨柳線到南京並陳彝鼎年皆壽別置花
盆景絕清更譜詩篇三四輩當筵絃管最分明
芬蘭文石映枝枝甜露常行子午滋花下有春人
不老庭間真樂物能私蕙蒲屈軼何言瑞火棗丹
桃總屬痴一種靈根偏襲吉長裾佩得與男宜

謝友可之南

十年筆札伴車程此日財堪就兩京拄笏山川新



得意過江王謝舊知名談無前音留牙慧坐向明
時看肉生更聽栢伊三弄笛憐君一往有深情
官如比部地南畿勝境閒情世所稀湖畔稻香窺
蟹過塔頭燈靜見鴻飛准餘王氣潮應大柳種當
年樹幾圍誰願淄塵久京洛白雲心事與君歸

陳汝礪罷官歸閩

鎮日紅塵只曉顏今來贏得一身閑卸將皮帶腰
寬博好嚮家庭試舞斑

馬上無歌蜀道難我元非我亦非官人間萬事供

眼外付與浮雲屋角看

羅駕部母壽

會讀稽山愛日篇簾庭春永樂依然板輿正軟便
司馬饋食當年憶卻鮮衆母歌騰天錫誥五官王
甚海添年持觴况值中秋節歲歲銀雲照管絃

乙巳上封公壽

細閱生人境旬年儘得知多男心較苦不肯累偏
奇味薄代耕養勞添別歲髭在官新拜慶猶起隔
雲思



同席爲儒者誰其老 主恩星明冠蓋里香醉稻
梁村孝謹宜兄弟詩書長子孫清溪一泓水聊以
媚盤餐

俞母卷

手理寒機口哺兒烏啼昔昔血絲絲祇今彩舞綸
飛日轉憶寒機月照時
黃鶯悲鳴想故雄枝枝連理泣霜風完君一日千
年計頂戶支門舊腹中

博得天家意外恩蕭煙騰處是綸溫但償地下人

辛苦便好抽身守墓門

丁午伯母壽壽寄祝

一道清溪與月鮮幾聲雲鶴赴秋堅身同楚老偏
能隱教勝鄰人不用遷樹背以萱橫碧韻佩裳多
菊嗅黃烟部中剩有蓮花瓣歲歲當觴峰自前

乙巳一病十餘日不復省解人事倖而不死

然亦危矣病境次第自病中聊述之

常言生死事會須有關格白日與黃泉會須有主
客誰明去矣途卽係今茲宅五體各具陳兩眼亦




以劃呼叫百不省舉止迷所藉骨肉四面環牀中
徒列魄息息奇渺茫人鬼復何隔
彼時何卒卒闔室走臞臞父應子之泣弟應兄之
呼哀懇拜醫人倉皇謁覲巫卜課與推星百術紛
且劬而我獨不聞精氣焉所如

笑笑人間世分明一夢休夢中翻說夢誰識夢緣
由一呼嗆不還去明尋卽幽得了方爲真在生都
成浮跼他四顧人強來問骷髏

憶往病初發表裏熱如蒸壯火食羸氣焦灼百不
勝須臾鬱成痰沸癰急上升其勢如湧泉其形如
凝冰舌本墨而渴言譫目直瞪捨衣兼摸牀諸忌
以齊徵此時命寄醫獨言脉可馮

榮衛滯不理火毒下上攻肥痰甫就停燥糞結其
中欲遺不得遺百苦千難叢利下莫敢承盧鵲無
奇功捱夕復捱朝旬餘始得通久迷心漸開十死
生財逢蠶憂一屋人改顏將無同

神明誠恍惚其道信而貞伊余行無良敢云邀寵
靈十年兩危病於法俱不生每當窮篤時忽忽見



神明曩者儼關公辱况臨前楹耳根不隱響鄰鄰
車馬轟今茲病憤憤大士不離牀鼻端與心坎兩
回發妙香事理有無間聖人不語神予懷謝不任
聊以識精誠

平生事草率黑白不成校三十八年來迷離等醉
眊在世真成竊臨危默自約極當沉憤中精堅偏
一竅檢察儼有物鞫勒窮與定歲月無逃網心跡
俱雙照乃知業隨身至人言不窺一死終無辭安
得朝聞道倖矣尚回生白日以相醮

一歲填喪門一門衝白虎次第卧牀簣稱病無老
豎前月及家弟次月及賤姥篤勢盡驚人寸心摧
莽鹵兩兩憊無害循資余接武旬餘不省事一家
色無主病者亦已矣無那生者苦數月奉邸居無
晷展眉宇所愧兒多誓乃以憂尊父亦有維桑親
羣羣相卹撫鑿金而禱神膜拜紛如雨余行自涼
劣親故胡所取感之不能謝省躬徒自頽

潮退沙紋皺病退面容頽今晨不成寢取鏡聊自
復鬼形不敢認惶怖欲走伏骨上徒雷皮皮中不



復肉僅餘髭須張少以稱眉目

勻漿不入口夫既半月多今來嚼米汁滋味復如何殷勤知者言調理更苛饑飽與風寒纖微不得訛一謝絕思慮二切戒怒呵三忌久觀書四對客嚶囉慎之重慎之病加於小瘡雨中煨春蠶燈下護秋蛾獨有靜息功可以養天和

生來靡短長惟工一覺眠頭角枕方支鼻心齟已宜適茲病之餘百性與形遷永夜難爲曉展轉費攀延十道問女奴今夕何夕天時遣看犁星在屋

東西尖聞雞喜數鳴聞雅喜眾闐尋常黑甜趣一失恐不還生長奇庵中焉能暫捨焉

長安日下塵奔走車與馬穴蟻攢腥羶臭蠅逐蛆
餽服食鮮且肥妻孥矜嫠者亦有功名人胸圖畫
夷夏亦有文章士鉛觚奴董賈許務以爲高呂稷
以爲野惠施以爲博孔丘以爲寡羣徒轉相笑所
得各自哆傀儡振機關誰真定誰假屢劫不降心
一病都消也眼前作底光憐燈復拾她

糜淖勉支腹朝夕須木參羸軀敢自持常若行險




欽朔風偏瀝浙刺物如刀針不敢啓帳帷常常擁
被衾觸緒有來端遺塵無往心鄰家雙白鶴時以
送清音

輔理踰月餘試步力猶微兩童肩兩腋兩股方得
移自室而造堂養力須經時言語失次第動止鮮
威儀慵心倦長安平常貫掩扉得此安意卧他貧
亦可辭懷居有射所懷人有心知咫尺別累月離
合何其奇人生苟不死會多相見期容我尚乾坤
白日照于思

贈李一庵書賈六十

李一庵儒而賈賈而儒嘗以語人曰假南面百城
何如擁萬卷書經史東序子集西隅我於其中老
伴蠹魚韞櫝而藏待價而沽或得吾神或得吾髓
或得吾骨或得吾膚或以爲賢爲聖或以爲公卿
大夫乍展眼心志爲之頓豁稍涉足顏色賴以不
枯其不善用者乃竊以爲盜竿咄咄長安如藕孔
居塵翔于天糞栖於塗東家駢馬西家曳驢富貴
之子以蟲負穢功名之士似蠅攢蛆菜市街頭盛



牛羊與鷺鴨城隍廟口販珠寶與珊瑚自吾十年
齒朝於斯吾曾不知其孰賓孰主而獨于李氏父
子往鼓掌而來掀須此亦聊足以自寄其區區今
李氏曰六十而壽不佞猶幸其未也尚以廿二年
之月日從事于冊板之麤然後與君捐經擲史焚
子瘞集共期遊于汗漫探至道于空虛

讀崇德錄爲沈贈公作

焚木一成灰火傳無盡時鼎鼎百年內薪火復爲
誰兩都富冠蓋賓從走盛衰第宅織戾王金錢賄
賈兒正寢饒富終壽考足眉黎白日忽掩光西風
一以馳竭來訪姓字間鄰不及知 九重天子制
百代賢宗相五十年往矣一旦闡於斯千金不解
受勞人笑窮癡金蓄會有用終今亮無遺趣轡委
旅塵當年行道悲大齊而牖下祇今亦纍纍夫君
聲不泐彼已悔無追人世各營算達者差便宜

又代

幾輪霜月伴公車身後生身上玉除此日墓田高
著馬舊時茶井冷漆魚顛門孔壁歐陽學約矢齊



城魯仲書千載聲宗應不滅長年牖下定何如

送區海目

不嚮清流問故關時平有味是官閒江南日莫瑯
琊道絮絮雲生疊疊山

平生最愛歐陽子謫官滁陽兩記文千古江山靈
氣再擬畱一石待夫君

爲張定年丈壽其從兄翰南先生

豕鮮馬怒儘時名革履方袍獨老生士不居官真
自在家惟課子極清平閒眠竹榻看雲上靜展茶
壚信水轟七寸從心何所作祇應池草句還成

送人之滇南任

出門半步輪蹄萬里單車自可見笑指碧雞山
不遠白雲垂處見峰奇

桃根枸醬四時供海貨湖街百道通只有金錢無
用處換將手貝與兒童

黍珠春永圖

羅山浮山如甌甕月清露紫虹光吐中有神人常
春黍葛洪之妻鮑靚女嬰黍成丹紛無數啖之數



顯齊冲舉玉鶯吹笙白晝舞銀雲櫛櫛覆下土下
有遺粒成雲母潔于甜雪軟于乳帝遣何姑爲鮑
侶何姑鮑侶俱仙去濕竹烟橫迷日杵吾友張子
好閤簿世世結廬於其所先人曾縮陸川組亦是
葛翁勾漏處母年耄矣神明茂箇是神明不待語
何家雲絮定何杵鮑家黍竈應開戶一鉢盛來合
許許日月雙先七日煮奉母食之千萬壽

雪溪圖

寒水沉沉織似纈長郊一色與天黏不知空撒成

何樣只有溪流學脂漆

混將下土憎成駭揭向空原總忌明靜原冷窻叅
透處爲言色色復無聲

靜之圖

世外論心老屋中會面稀可堪驅馬獨復此送鴻
飛大野雲千疊高天月一圓憑君淮海望鎮夜夢
將歸

宦情亦未盡輪馬劇紛紜不爾曹偏冷其能去獨
受吟林秋卷靜帶菊野裳分子舍驪君入滄江伴



白雲

一送鏞上人還竹居庵

一病消塵世閒居夢秣陵城闈連野闊
層幽徑頻穿竹清談乍對僧寄生甘養拙長卧我

將能

憶

清齋空

物景一

壁窗多穿葉窻虛雜度

雲野風

奈可長離別寒鐘靜

織畫

誰復

雕鑽

世珍

難入識分明黃帝珠非象罔弗得
有槐安國知白守其玄萬言輸一默
脫略文字外墨始貢其職

一割駑馬思十駕與子苑中游凌兢空日

臨池工一瀉而我獨乾暵搽管不




國家圖書館藏

聊略兩三銘避人凡幾舍亦辱子見收屨大
小同價竭來病卧深藥餌無休暇養病兼養拙墨
事久當謝詩思健驢背憶子風中跨似我百不任
儻也扶風蔗



國家圖書館, NATIONAL CENTRAL LIBRARY, TAIWAN, R.O.C.





國立中央圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.

